

書經集句文藁選本



咸豐辛酉新鐫

書經集句文稿選本

賜禮堂藏板

原刻文序

澗鄰戴氏名槃丹徒戴羨門制軍之姪孫也羨門制軍與余
丙午鄉試同年有舊誼澗鄰又與男祐癸卯鄉試同年今出
其書經集句文稿一卷見質於余余統閱全文衆體畢具無
美不臻本四代之書以立言卓然自成一家知其沉酣於經
籍者深矣昌黎云文章豈不貴經訓乃蓄畚觀於澗鄰之文
不益可信與道光戊申二月頤性老人阮元序

詩句多集唐宋入成語而四書文未有集成語者卽有之亦
偶涉筆一二耳誠以制義貴質串經籍闡明義蘊非詩句可
比今閱澗鄰孝廉集尙書成句爲文哀成百篇凡整體散體

一

六比至十六比幾於無美不備非智珠在胸法輪在手而能
指揮如意也乎或曰此文之變體也然變而不失其正則亦
猶是貫串經籍闡明義蘊與制義之體仍無乖舛焉爾道光
戊申二月世侍貽原沈岐序

澗鄰昔從予游年甫弱冠於制藝一途寢饋於名大家力追
先正不苟爲炳炳烺烺有時集書經語成篇運古如自己出
不煩雕琢蓋由讀書功深其所篤嗜者然也乙未應童子試
卽以此見賞於宗工嗣後凡遇能集書句之題偶爲之無不
取列前茅丁未會試四書文亦以集尙書克邀房薦雖因額
滿見遺然劍氣珠光不可磨滅終當破壁飛去異日鼓吹休

明和其聲以鳴

國家之盛此則子之厚望也夫是爲序道光戊申三月友生
頌芬劉懷祖書

古之人道洽政治恐來世罔攸聞庸作書以告聖漢洋洋嘉
言孔彰政事惟醕書用識哉在後人事不師古不學牆面莅
事惟煩惟戒茲學于古訓乃有獲夙夜罔或不勤多歷年所
名言茲在茲允出茲在茲厥攸作咸成文辭尙體要若網在
綱有條而不紊各以其敘古人有言其心好之不啻如自其
口出一話一言訓其成式其惟克用庶言同則繹不惟好異
其曰是彝是訓不由古訓于何其訓咸若時旣底法我知其

二

有倫有要至于後日學古入官往敬用治政事懋哉懋哉
潤鄰七兄大人熟于經史茲出其所著集書經文一卷截金
爲句自是無縫天衣東施效顰亦集書經爲序未免班門弄
斧也道光戊申三月姻世愚弟張錫庚書

續刻文序

江南爲人文淵藪多博古通今之士余典試江南三次所得知名士正不乏人其時丹徒戴子澗鄰年尙幼未應省試癸卯受知余門下筠堂賈君甲辰春入都來謁余與之談及經學對答如流靡不如我意之所欲出余乃知澗鄰之深於經術者也乙巳丁未疊次接見以所著經解見質余嘉其淹雅宏通論古有識無經生家氣息辛亥冬入都候銓以所刻書經集句文賦全稿請序於余余繙閱一過文則奇而不詭於正貫串經籍均能闡明題之義蘊賦稿尤爲盡美盡善人巧天工兼擅其勝能於賦苑中獨樹一幟非獨文人詞人一齊頰首卽經生亦望而御步洵士林中之奇才也余故不辭而爲之序咸豐壬子夏四月蕭山湯金釗書

三

書所以道政事者也虞之書渾渾夏之書灑灑商周之書噩噩書記先王之事故長於政讀是書者能沈潛其義融會貫通於爲政之道亦可得其大略矣禮有云疏通知遠而不誣則深於書者也門下戴子澗鄰邃於經術得力於書教者尤深乃本其心之所得著爲文章詞賦辛亥冬入都候銓以所著諸稿問序於余余統閱全文則熟極生巧無美不臻已足出奇制勝賦稿則又駕文章而上之集虞夏商周四代之書備漢魏唐宋六朝之體規矩從心鑪錘在手非疏通知遠

而能若是乎澗鄰指日出膺民社將見登政事之堂抒其抱
負施之幹濟勉爲

熙朝之純吏此則吾之所厚望也又豈獨文章詞賦足以名
家俾士林咸知楷式哉咸豐壬子九月友生筠堂賈楨序

戴氏爲京江望族經學文詞代有傳人羨門制軍暨子宜部
郎或以文章名或以詩賦名均各彰彰在人耳目戴子澗鄰
子宜同年之從姪辛亥冬入都候銓以所著書經集句文賦
稿請序於余余知其家學相承淵源有自鋪觀所作其文章
則無體不備憂玉鏗金其詞賦則有製皆工方圭圓璧而本
經訓以發爲文詞則叮咛獨闢卓然名家與前人文章詞賦

四

體裁不同而其可以傳世則一也夫羨門制軍及子宜部郎
不獨以文章詞賦名也羨門先生由明府而洊歷制軍其治
績昭著允爲一代之名臣子宜同年由庶常而改銓曹其居
官勤慎亦能稱職澗鄰行將出宰爰山不獲登金馬上玉堂
擅其著作之長而以經術飾吏治必能紹美前徽勉爲今之
循吏也文章詞賦云爾哉咸豐癸丑二月世侍祁雋藻序

澗州戴子澗鄰余慰高男癸卯科同年友也辛亥冬入都候
銓以所著書經集句諸稿問序於余余統閱全作因題制宜
自成一則集虞夏商周之書合今古文而程藝實爲古今之
創格東坡云腹有詩書氣自華又云讀破萬卷始通神澗鄰

之文沉實高華窮神盡變固腹中之有書抑亦讀破羣書之功深也夫文以載道自來名大家靡不根柢經術發爲文章以成不朽之業今之人舍本求末者多不能窺古作者之蘊奧得斯文以爲楷模亦未始非轉移風俗之一格也是爲序咸豐二年夏四月世侍詠莪彭蘊章序

戴子澗鄰余道光癸卯典試江南所得士以選人來都出所集尙書句稿屬爲序爛熟如實已出昔義山詠韓碑曰點竄堯典舜典字衰詞耳澗鄰真點竄之矣抑戴爲京口舊家戴公山以仲若氏名柑酒聽鷓鴣謂之俗耳鍼砭詩腸鼓吹澗鄰之鍼砭鼓吹者其以文賦嗚乎雖然澗鄰行爲字人之官漢吏以鴻範五行弊獄經術節吏治也若王璜塗暉用書貴顯又奚取焉咸豐癸丑年仲春月友生徐士穀書

五

丹徒戴子澗鄰余壬子科房薦士也憶余分校禮闈得生試卷觀夫鏗金戛玉之文決爲博古通今之士首篇取形易象義參乎潔淨精微末題運用詩章旨得乎溫柔敦厚惟次藝別開生面集尙書獨運匠心戴憑之說經無雙其用不竭季札之觀樂歎止誠蔑以加大雅不羣是用首膺夫呈薦奇文其賞致因額滿而見遺揭曉來謁以所著諸稿請序於余余得窺全璧知高宏名聲價久重於江南聞譽已盈於冀北雕開剖氏有目同珍紙貴洛陽不脛而走鴻篇久播非獨都門

傳觀虎氣必騰定看破壁飛去方期上玉堂而擅技長才兼
擅夫馬班入史館而修書大筆共推夫燕許乃以冬月分銓
不獲春風及第旣備員於西浙未高步夫南宮是有命焉余
所惜也然而通經斯能致用學古無愧入官漢吏弊獄以五
行治原於術周官教民以六藝數後乎書行看奏治績於爰
山得展經綸素抱鳴和聲於

盛世用能黼黻宏猷則以良士而爲良臣豈非吾之厚望也
哉咸豐三年歲在癸丑春月友生樹南林蔭棠序

戴子澗鄰余三十年前硯友也憶昔其先考桂巖先生昆
玉五人同住燕山書屋嘉慶丁丑春延余教讀其時澗鄰年

六

方五齡聰穎過人每讀輒數十行余決其後日必能出人頭
地而卜桂巖先生之後必昌也已卯余登鄉榜後因承重讀
禮未獲應京兆試仍館於其家又經兩載余與諸徒講說澗
鄰從旁聽之卽能領悟誠童子中所罕見者余深契焉嗣後
余會試留京南北分離時接鱗鴻知澗鄰之學益日進道光
乙未余提南宮適澗鄰入泮之年學憲以次藝集書爲文章
試中所難得取列前茅大加贊賞文名之噪遂始於此至癸
卯果登賢書余私心竊慰而益信前言之不謬也咸豐辛亥
冬澗鄰入都候銓備述其所著書經集句文賦稿已盛行於
世余雖目盲耳熟能詳古樂新聲聽而忘倦洵文賦中未有

之創格竊惟德行本也文藝末也澗鄰之內行甚篤上承先人之志克振家聲於書言孝友之道實能身體而力行焉不獨有文章足以報

國知其得力於書教者深也咸豐壬子冬月友生雲門朱龍光識



自序

余自癸丑秋八月留辦江北團練因原刊各稿燬於廣陵重付梓人甲寅夏六月工甫竣秋九月余赴任浙省卽攜至武林嗣又將續著文賦稿並乙卯浙闈擬作和章以及桐溪記略先後付梓共成十二卷各板半存於武林半存於嘉禾其餘未刊各稿共二十八卷公餘之暇業經釐訂將付棗梨以免散失庚申春武林失守未幾而嘉禾又失板片未及攜出蕩然無存餘存各稿亦大半遺亡余思書經集句文賦稿之刻至再至三而卒燬於兵燹此其中殆有數與竊幸此稿業已通行直省京都江浙皆有翻刻無如道遠難以購覓行篋

序

二

中刊本僅存一二庚申秋余重留江北辦理團練友人向余索取特將原刊各稿大加刪減以期工省易於竣事文賦詩稿經同邑楊羨門李雨人兩先生重加評選分爲四卷名之曰選本宦游記略擇要一卷附於後余非敢謂文章宦績可以問世也亦仍公諸同好云爾咸豐辛酉秋七月丹徒戴槃

識

附編又續舊著文題錄並心限備關謝章味草思氣研窮
自林入甲寅夏六月工甫竣秋九月余赴任浙省卽攜至武
余自癸丑秋八月留辦江北團練因原刊各稿燬於廣陵重

自序

原刻凡例

一是編自講首以至結尾於起承轉合處不添設一字者集中僅有十數篇餘皆添用虛字古人引書亦用虛字禮有云太甲曰無越厥命以自覆也又曰天作孽可違也類如此不可勝舉至行文之法更不得不如是

一字句之間頗多損益昔聖賢引書不致損益之句如湯誥言爾有善朕弗敢蔽惟簡在上帝之心論語引書曰帝臣不蔽簡在帝心泰誓曰昭我周王天休震動孟子引書曰紹我周王見休類如此不可勝舉作文如是亦不背聖賢引書之法並非割裂

原刻文稿凡例

一

一是編集用書句字義有與各經解說不同者如在璿璣玉衡在作察鮮以不浮於天時浮作勝舉此可以類推

一是編集用書句有似乎正調而實係反調者如可愛非君非德于民之中句中皆藏一乎字

一文中有用爾我等字並不合乎口氣者前人名作引用成語往往如是

一集用成語有以兩句合而爲一句者有以一句分而爲兩句者有兩句不在一處而合用者其中並間有借用語句字義不合乎書理者斷章取義就文論文閱者諒之

一是編專集書經各經雖有好句概不參用間有題字爲書

一經所無者集中亦有數藝偶用他書
二戒語
一是一編全集書句與近日闢場墨卷以一經詰題組織成文
一者迥乎不同
一是編文體散整各半兩比至十六比兩段至七段無一不
全其中兼有以駢儷行之而合乎賦體者有損爲四言而
合乎詩經體裁者衆體畢具以備文格

一是一編題目自三節兩節一節四扇三扇雙扇以及單句摺
截小題各種題目不等以見因題變化仍不背時文矩矱
一破承有集經句者其中有長題小題截題不能集書者破
承仍係自作以免不能切題之弊

原刻文稿凡例

二

一領題有不能集經者領過上文再用成語以清來脈
一點題皆用成語間有數藝點出題目再集成語以免出題
不清之弊
一起住大半皆成句直起直住其中有增數虛字而成文調
者此亦行文之法
一行文無論散整總以清醒題字爲主集中特爲剔出令閱
者開卷一目瞭然
一附考試文十數篇特於題目下註明以見此文應試亦無
不利
一續刻書經題文八十篇因書經題集用本經成語尤合體

裁故登之以備應試一格

一是編之刻因諸友人見而異之以爲難能可貴開制藝中
未有之一徑余自知集經爲文多至二百十餘篇其中斟酌
損益必有未臻妥善之處勉付剞劂非敢出而問世也
尙祈博雅君子匡我不逮焉

原刻文稿凡例

三



續增凡例

一原集刊於廣陵刷印幾及萬部板片剝蝕友梅兄重加刪選改爲選本復刊於廣陵咸豐三年揚城失守均焚燬無存嗣服官浙省再行付梓並添刻文賦前後共成十二卷庚申年杭城失守又遭兵燹因篋中存本無多友人向余索取不獲嗣經評選定爲選稿又付梓人陸續加增集成是編較前集刪去三分之一以期工價簡省

一 是編選本文稿分爲上下卷散體整體各成一卷其中好尚不同便於披閱

續選文賦凡例

四

一 是編連圈之處均用雙圈原本剔出題字一概未剔以期簡便如欲閱全稿則有舊刻全集流傳直省並有各省書坊翻刻各稿行世

一 原刻賦稿止有十篇後增至五十二篇爲賦中別開生面題目則有經有子史以及詩句體裁則自漢魏六朝唐宋無格不備京都書坊刻有此稿並加註釋以徵是賦無一句不本於書

一 原刻有易經卦名試帖二卷因詩學本不能融會經學特逐句用卦名詰題仍不失風人之旨詩通於易以備

詩中一格

一是編散整文稿前後共選八十篇續編共選五十篇賦
稿共選四十篇易經卦名試帖共選二百首較前集不
無遺漏然評選較精卽少可以見多

續選文賦凡例

五



一 是編散整文稿前後共選八十篇續編共選五十篇賦
稿共選四十篇易經卦名試帖共選二百首較前集不
無遺漏然評選較精卽少可以見多

書經集句文稿選本

丹徒李承霖兩人評選

丹徒戴槃澗鄰氏著

男啓文子開校

上卷散體文

敬事而信 節 道之以政 一章

書云孝乎 三句 其養民也 二句

大哉堯之 三句 巍巍乎其 一句

舜有天下 一段 先有司赦 三句

善人爲邦 二句 故遠人不 一節

天下有道 大夫 君子有九 一節

書經集句文稿 選本目錄

無求備於 一句 康誥曰作 二節

於乎前王 一節 故大德必 一節

武王纘太 三句 修身也尊 九句

柔遠人則 四句 謹庠序之 二句

王赫斯怒 五句 昔者禹抑 一句

入其疆土 七句 再命曰尊 一段

四命曰士 一段

右散體文二十五篇

下卷整體文

爲政以德 一句 道之以德 三句

不在其位

二句

子欲善而

一句

選於衆舉

二句

人之言曰

二句

堯曰咨

三字

寬則得衆

一節

帝典曰

三字

君子賢其

一句

有土此有

一句

秦誓曰若

二句

用其中於

一句

保佑命之

二句

尊爲天子

四句

文武之政

四句

齊明盛服

五段

言而世爲

一句

中正

二字

作之師

三字

禹聞善言

一句

后稷教民

三句

書經集句文稱

選本目錄

二

紹我周王

一句

惟大人爲

五句

禹惡旨酒

一句

右整體文二十五篇

前刻文一百十四篇今選五十篇

敬事而信 三句

戴槃

合上下以成治。邦孚于休矣。夫敬信節愛時使。同歸于治。道

國者尚體要。豈慮邦之不臧乎。且人主兢兢業業。達于上下。

永肩一心。無時豫怠。無載爾僞。無怙侈滅義。無依勢作威。無

拂百姓。以從已之欲。往敬用治。惟既厥心。咸若時。可以道干。

乘之國。今天子惟君萬邦。修其可願。協于克一。克儉于家。

不期侈綏。爰有衆罔弗欽。率作興事。無或怨百志。惟熙庶績。

其疑俾一人從欲。以治惟乃之休。凡友邦冢君各守爾典。以

承天休。曷敢有越厥志。其一日敬用事。元首叢脞。萬事墜為。

人上者。曷其奈何。弗敬無輕民事。惟難克勤。乃事無忘。王敬

書經集句文稿 選木上卷

作所不可不敬。惟幾惟康。無教逸欲。有邦而道。又無不信。作

德心逸日休。作偽心勞。日拙德二三。動罔不凶。德惟一動罔

不吉。惇信明義。彰信兆民。允德協于下。惟明后俾萬姓咸曰。

大哉王言。又曰一哉王心。允若茲。正德允期。利用底慎。財賦

以萬民。惟正之供。罔遊于逸。罔淫于樂。惟服食器用。不貴異

物。賤用物。慎乃儉德。惟懷永圖。節性惟日其邁。而心尤恐。未

愛也。惟臣欽若。用作股肱。惟民康乂。如保赤子。凡我有官。君

子。其惟爾多方士罔不懷于有仁。威克厥愛。允罔功。愛克厥

威。允濟舍已。從人無胥戕。無胥虐。其克有勳。由是懷保小民。

卽康功。田功不敢荒。君子所其無逸。先知稼穡之艱難。播厥

百穀食哉惟時不作無益害有益時則勿有間之惟四方有
事慎乃出令凡厥庶民罔不率俾后非民罔使民非后罔事
厥命曷以亦惟曰動惟厥時欽哉欽哉無怠無荒亦罔不克
敬典終始惟一則信之不殖貨利匪彝勿用克寬克仁謀及
庶人欽若昊天敬授人時時乃功允迪茲往盡乃心升于大
猷以對揚天子之休命

○同應首陟辛法自然

神明于法浸淫于古 李雨人

書經集句文稿

選本上卷

二

下效本乎上行。視道齊者之所以也。夫政刑所以服民者也。德禮所以化民者也。或無恥或有恥。道齊斯民者。可不知哉。

若曰：天佑下民，作之君，民情可見，惟動不應。俟志罔不同心。

圖厥政，用其刑，民服厥命。未戾厥心，迪厥德，修其禮，民用丕

變克黜。乃心為天下君，一心承肩，能使四方之民格。其非心

各設中于乃心，而人心以盡。我聞在昔古之人，德惟善政，政

在養民。伯夷降典，折民惟刑。克施有政，德惟一動罔不吉。告

爾祥，刑定于禮，以和上下。是時也，元后聰明，萬姓悅服。六卿

分職咸聽，一人之作猷。司馬掌邦政，慎乃出令。司寇掌邦禁

書經集句文稿 選本上卷

三

則有常刑。司徒掌邦教，式敷民德。宗伯掌邦禮，與我民彝。凡

厥庶民，從欲以治，各迪有功。四方風動，是之謂大同。越至于

今，為人上者，不訓于德。僉曰：治民，今休。同于厥政，民有弗若。

于政。至于再，至于三，惟時其教。告之政令，在于天下。令出惟

行，弗惟反。俾萬姓咸遵王之道，民弗用靈制，以刑輕重。諸罰

有權，不曰有能。典禮而曰象，以典刑播刑之迪。惟齊非齊，有

倫有要。凡民自得罪，罔弗畏。其以小民淫用非彝，殄戮用乂。

疇敢不祗若王之命。其刑其罰，烝民乃免。汝則面從，仍成大

不宣。乃心人咸若時，欲其無不恥過。曰：是不能矧曰其有能。

格且夫董之用威，永畏惟罰。戒之用休，式化厥訓。天降衷下

民若有恒性。我不敢知。曰爾有衆。弗克庸德。天陰隲下。民彝
 倫攸敘。我亦不敢知。曰爾有衆。鮮克由禮。上之人德裕乃身。
 臨兆民。惟德之用。道以正直。曷敢動用非德。建中于民。以禮
 制心。爾典常作之師。齊于民。殖有禮。亦罔不克。敬典舊染污
 俗。咸與惟新。時乃罔不變。改過不吝。其心愧恥。且格爾衆庶。
 非惟曰刑發不聞。嗚乎。王疾敬德。民畢棄咎。王肇稱禮。民勅
 懋和。以視亂爾。有政度作刑。以詰四方。爲善不同。允若茲發。
 賊施令罔不臧。可以觀政。不如可以觀德。列用中罰。罔不懼。
 五刑有服。不如五禮有庸。今民罔迪。不適不迪。則罔政在厥
 邦。黎民敏德。政乃乂。治期于治。刑期于無刑。罔敢縱敗禮。以

書經集句文稿 選本上卷

四

速戾于厥躬。無或刑人。會極歸極。惟皇作極。是行是訓。于帝
 其訓實萬世無疆之休稽。古堯舜大禹亦越成湯文王武王
 后克綏猷。民刑用勸。天命有德。政事惟醇。天秩有禮。刑殺勿
 用。時惟良顯哉。

義理貫通聯絡映帶俱極自然不徒以集腋見長 李雨人

於書得有政之說。惟孝友者能施也。蓋能孝即能友。能孝友

即能施于家也。述書所言不已得有政之說哉。我聞在昔有

虞舜克諧

以孝自時厥後。追孝于前人。厥惟我周。其期于治

也不始于邦而始于家。夫父頑象傲。烝烝乂不格姦。故二女

觀型降于媯。罔有弗斂。而祇父恭兄斷斷。今無他技。故三

后協心保釐。東郊惟宏。丕訓子疑。我不為政。子欲我以政。勤

施于四方也。吾時庸引書以告之。今夫圖厥政。莫或不艱。君

子師保萬民。豈惟曰恪慎克孝哉。在昔成王咨爾君陳。當必

曰亂爾有政以期。至治馨香感于神明。又豈惟曰孝友于兄

書經集句文篇 選本上卷

五

備出文字

弟哉。然而書不云亂爾有政也。曰令德惟孝。至于友則又孝

養父母之餘也。允迪茲立愛。惟親立敬。惟長翁受敷施。可以

觀政人之有能有為。無弗使好于而家。奔走事厥考厥長。綏

定厥家。其乃有濟。家克正罔敢弗正。施實德必自邇。茲率厥

常。我知其彝倫攸敘。政事惟醇。書用識哉。古人有言。又曰施

于有政。惟我有周先王肇修人紀。居上克明。昔武王洪大誥

治命。康侯往即乃封。曰祇遙乃文考。紹聞衣德。言呼以朕弟

勗。以寡兄。惟期勿替敬典。其有子弗祇服。厥父事。兄弗友于

弟。弟弗克恭。厥兄不于我政人得罪。天惟與我民彝。大泯亂

乃其速由文王作罰。刑茲無赦。不孝不友後之人。其懋戒哉。

乃惟成王聰聽彝訓亦罔不克敬典昔蔡仲克庸祇德王命
邦之蔡曰益前人之愆惟忠惟孝又曰懋乃攸績以和兄弟
率自中無作聰明亂舊章今者命君陳亦惟若茲多誥往欽
哉克慎厥猷無不能厥家人惟周公誕保受命多歷年所王
有疾弗豫植璧秉珪告我先王元孫遘厲代之以身至誠感
神惟孝惟友君陳果能懋昭周公之訓率乃攸行追配于前
人非特紹我周王祇若休命即稽古有虞敷大孝于天下亦
可不讓益古今之爲善同歸于治未有外孝恭之德而能道
洽政治者也

驅使如意舒卷從心後三段引證確當尤爲精切不浮

李

書經集句文稿

選本上卷

六

兩人

人非特紹我周王祇若休命即稽古有虞敷大孝于天下亦可不讓益古今之爲善同歸于治未有外孝恭之德而能道洽政治者也

其養民也惠

戴槃

鄭大夫綏厥兆民可愛亦可畏也夫民罔常懷懷于有仁民

有依歸歸于一德子產惠康小民用其義亦職有利哉若曰

爲人上者綏爰有衆原德字不惟曰厚生正德哲而惠永底烝民之

生疆而義亦言其人有德有一个臣寬而有制罔咈百姓以

從已之欲罔違道以干百姓之譽子產之道積于厥躬豈惟

日行已事上厥斐有恭不敢不敬哉臣爲上爲德爲下爲民

有容德乃大有忍乃有濟其克有勳我聞在昔凡有君子同

底于道德惟善政政在養民懷保小民惠鮮鰥寡阜成兆民

子惠困窮安民則惠黎民懷之正色帥下非民罔使戒之用

書經集句文稿 選本上卷

七

休董之用威又曰典厥義惇信明義民若有功惟多方之義

民圖忱于正無偏無陂乃其速由茲義古之人胥保惠胥教

誨民無或胥譎張爲幻越至于今失厥道亂其紀綱凡小大

邦大夫卿士依勢作威倚法以削厥心未愛殄資澤于下民

罔克胥匡以生惠不惠世祿之家鮮克由禮席寵惟以怙侈

滅義凡厥庶民舊染汚俗習與性成茲乃不義驕盈矜夸將

由惡終乃惟子產洪舒于民克開于民之麗鞠人謀人如保

赤子修疆畷兆民允殖生生自庸能保惠于民引恬引養無

胥虐無胥戕其惟爾衆自作弗靖格則承之姑惟教之彰善

瘴惡政由俗革惟德惟義時乃大訓折民惟刑時庸作書烈

比○原○一○意○確○切○子○庶

于○猛○火○四○方○之○民○罔○不○祇○畏○是○信○是○使○不○敢○替○厥○義○德○嗚○乎

臣○人○若○時○惟○良○顯○哉○或○曰○君○子○在○位○為○善○不○同○愛○克○厥○威○卽

不○能○威○克○厥○愛○作○民○母○難○作○民○父○然○子○產○御○眾○以○寬○議○事○以

制○不○敢○動○用○非○罰○亦○不○敢○動○用○非○德○用○康○又○民○曰○柔○克○曰○剛

克○各○迪○有○功○思○艱○圖○易○民○無○我○怨○以○公○滅○私○民○刑○用○勸○爾○有

眾○惟○惠○之○懷○遵○義○遵○路○曷○敢○有○越○厥○志○允○迪○茲○道○洽○政○治○澤

潤○生○民○不○單○稱○德○終○有○辭○于○永○世

書○中○無○子○產○故○實○而○集○用○經○句○恰○能○切○當○不○易○是○真○筆○有

化○工
李○兩○人

書○經○集○句○文○稿

選○本○上○卷

八



書○中○無○子○產○故○實○而○集○用○經○句○恰○能○切○當○不○易○是○真○筆○有

衆○惟○惠○之○懷○遵○義○遵○路○曷○敢○有○越○厥○志○允○迪○茲○道○洽○政○治○澤

潤○生○民○不○單○稱○德○終○有○辭○于○永○世

制○不○敢○動○用○非○罰○亦○不○敢○動○用○非○德○用○康○又○民○曰○柔○克○曰○剛

克○各○迪○有○功○思○艱○圖○易○民○無○我○怨○以○公○滅○私○民○刑○用○勸○爾○有

眾○惟○惠○之○懷○遵○義○遵○路○曷○敢○有○越○厥○志○允○迪○茲○道○洽○政○治○澤

大哉堯之爲君也

三句

戴聖槃

德準乎天。大古帝之爲君也。夫堯之爲君，何以稱大？亦大其

能則天也。巍巍乎其眞，與天合德乎？惟彼陶唐，史臣作書曰：

放勳峻德，克明無遠弗届矣。夫懋乃后德，皇作極罔弗若天。

惟天聰明，惟聖時憲。廣淵克齊，有容德乃大。今天子惟君

萬邦百僚，師師共惟帝臣。有猷有爲，奄旬萬姓。有能有爲，寵

綏四方。一人作則，萬世永賴。豈惟曰天位艱天祿，永陟元后

而作明辟哉？稽古帝堯，乃聖乃神，乃武乃文。皇天眷命，奄有

四海，爲天下君。在後之人，非特有夏先后，亦越成湯，亦越文

王武王。惟君惟長，莫與爭能。卽古舜重華，協于帝，亦不敢不

書經集句文稿 選本上卷 九

讓鳴乎大哉我聞惟曰自古帝王尹爾多方皆上天孚佑俾

作神主表正萬邦天錫勇智降之百祥天敎用休作之君克

典神天天必從之惟天畀純惟辟奉天欽崇天道克敬典也

迪知天威克謹戒也恭行天罰討有罪也奉若天命俊有德

也自古帝王人代天工亦惟曰靈承帝事而克配上帝懋昭

大德惟堯建其有極巍巍乎天有顯道厥類惟彰日日日月

照臨四方堯則卿士惟月師尹惟日日星曰辰乃垂厥象堯

則撫于五辰衆庶惟星曰風曰雨各以其敘堯則樹之風聲

若作霖雨東作西成南訛朔易天丕冒海隅堯則光被四表

殷春殷秋正冬正夏天罔改厥度堯則歲定四時昊天欽若

穆穆在上明明在下帝德廣運格于上下訖自若是惟天爲
○一○句
大惟堯則之欲哉欽哉厥后自聖罔不配天先天弗違惟帝
時克尊如上帝是謂大同允恭克讓乃大克恭欽明文思乃
大克明爲人上者勅天之命惟時惟幾升于大猷以揚大烈
○落○下○民○無○能○字
克集大勳皆不若茲凡厥庶民順之于外拜手稽首無能颺
○覆○筆○渾○成○
言不單稱德亦大惟艱嗚乎大哉

化板爲活運實于虛一氣揮灑不期古而自古 李兩人

書經集句文稿

選本上卷

十



巍巍乎其有成功也

戴槃

一人有績萬世永賴矣蓋明作有功罔弗若天惟帝克成厥終庶事康哉維彼陶唐百姓昭明協和萬邦黎民於變時雍

無曠庶官天下莫與爭功嘉乃丕績一人垂拱仰成懋哉懋哉其克有勳天工人其代之大哉堯之為天下君也奉若天

道峻德克明凡厥庶民無能拜手稽首颺言然小大謀猷罔不率從茲不忘大功若稽古帝莫與爭能惟爾後王難紹先

烈故史臣作書以告曰放勳懋乃績遠乃猷欽承天道永保天命天闕恣我成功所堯乃自以為功命羲和欽若昊天象

日月星辰敬授人時功乃成分命羲仲平秩東作以殷仲春

書經集句文稿選本上卷

七

時乃功申命羲叔平秩南訛以正仲夏時乃功分命和仲平秩西成以殷仲秋時乃功申命和叔平在朔易以正仲冬時

乃功三百有六旬有六日以閏月定四時成歲撫于五辰庶績其凝欽哉惟時亮天功當堯之時湯湯洪水方割蕩蕩懷

山襄陵鯀湮在昔方命圯族九載績用弗成允罔功有虞舜元德升聞乃命以位舜咨禹平水土奠高山大川荒度土功

于後六府孔修庶土交正成賦中邦圖功攸終東漸于海西被于流沙朔南暨聲教訖于四海告厥成功而枚卜功臣曰

舜曰禹惟帝時舉與成厥功曰由一人成允成功亦尙一人之慶帝曰地平天成克定厥功其爾萬方百姓一夫不獲時

予之牽乃命三后恤功于民稷降播種克奏庶艱食鮮食引下三后功妙絕倫

民乃粒百穀用成明刑即康功田功契作司徒掌邦教敷五典阜敷教

成兆民功崇惟志明刑阜陶明于五刑以弼五教刑期于無刑民總束上三層

協于中厥有成績功加于時三后成功惟殷于民稷契暨皇歸功於堯

陶其惟帝出魏巍乎敷奏以功車服以庸誰敢不讓帝不時敷同日總束前段

奏罔功魏巍乎惟天聰明惟聖時憲惟臣欽若惟民從總束前段

能奮庸熙帝之載崇德報功垂拱而天下洽凡有官君子各仍結到

迪有功成日惟我后之德惟其有之時而矚之仍結到不顯哉能名欽明

文思安安平章百姓光被四表格于上下而乃聖乃神乃武仍結到

乃文終莫名帝德廣運也仍結到

書經集句文稿 選本上卷 主

文章本天成妙手偶得之 李雨人

建官惟賢無虞民不依也夫垂拱而天下治惟其人不惟其官講義引起古臯陶直而溫古帝舜哲而惠矣曰若稽古帝堯咨四岳

命羲和黎民於變厥后惟明明重華協于帝濬哲文明簡厥修以率其或不修進厥良以率其或不良故乃明于刑之中項別文

率又于民斐舜罔不惟德之勤大哉子之退有後言也我聞在昔舜格于文祖奄有四海為天下君一人元良萬邦以貞項上

四罪而天下咸服乃言曰讒說殄行震驚朕師稱非其人罔與成厥功于是闢四門明四目達四聰慎簡乃僚稽于衆選是舜選不罷移置下殿

爾勞用勩相我國家獨是知人則哲惟帝其難我不敢曰知書經集句文稿 選本上卷 三

之非艱然光天之下濟濟有衆萬邦黎獻惟帝時舉懋戒哉勿以儉人往欽哉其惟吉士任賢勿貳一日正直惟幾惟康出舉字

其弼直迪簡在廷有服在大僚帝曰子欲左右有民民協于中疇咨若時登庸僉曰臯陶夫虞舜元德升聞而臯陶邁衆舜臯陶雙提已藏得仁字

德德乃降黎民懷之舉能其官惟帝時克是以咨禹咨垂咨益而讓于稷契讓于朱虎熊羆讓于夔戕暨伯與十有二牧在丙

誰敢不讓獨臯陶拜手稽首颺言對揚天子之休命舜曰汝作士臯陶曰思日贊贊襄乃惟刑用于天下永綏民且夫皇蔡氏皆讓惟臯陶未讓以此發論確有見地

帝清問下民除惡務本臯陶方祗厥敘象刑惟明明于五刑振有力以弼五教刑期于無刑俾予從欲以治時乃功無待侯以明綱案

之撻以記之而好生之德治于民心民罔不休懷于有仁是
之謂大同允若茲何損乎驩兜何遷乎有苗何畏乎巧言令
色孔壬庶頑讒說若不在時邇可遠在茲懋哉懋哉允迪厥
德謨明弼諧四方風動庶績其凝在知人在安民惟天惠民
惟辟奉天天命有德天討有罪人其代之聰明齊聖惟時亮
天工寇賊姦宄罔或干予正俾萬姓咸曰股肱喜哉元首起
哉百工熙哉

奮筆直書頭頭是道有杼軸予懷之樂 李兩人

書經集句文稿

選本上卷

四



政尙體要。邑克明矣。夫瘝厥官。則怠忽荒政者多矣。子詔仲

弓以所先所赦所舉。亦曰克勤乃事無怠耳。若曰明王立政。

無曠庶官。不戮無辜。克用常人。邦其永孚于休。繼自今克施。

有政。釐百工。明五刑。闢四門。惟既厥心。亮采有邦。罔不興浚。

明有家罔不臧。子問政。夫荒于邑。廢厥職。威克愛允。罔功。君

子在野。小人在位。不可以觀政。一曰先有司。百僚師師。命以

位宅。乃事惟正。是乂。凡有猷。有爲有守。汝則念之。慎乃出令。

欽乃攸司。是崇是長。是信是使。不敢後作。孚先允若。茲小臣

咸奔走無康。好逸豫。茲用于有司。各迪有功。庶事康哉。昔君

書經集句文稿 選本上卷 五

文王罔攸兼于庶言。庶獄庶慎。庶獄庶慎。文王罔敢知于茲。

至于今圖厥政。亦惟追配于前人。汝雖敬以作所簡。而無傲

行之非艱。而蒞事惟煩。濟濟有衆。各守爾典。敬爾官。無求備

于一。大我周六卿分職。各率其屬。左右攜僕。百司藝人。表臣

百司。各恭爾事。其監于茲。而小過又不可不赦。夫天討有罪。

五刑。五庸。民弗用靈。制以刑。欽哉。欽哉。惟刑之恤哉。故明于

中。率乂于民。棊彝。人有大罪。非眚。乃惟終。既道極厥辜。凡民

自得罪。元惡大憝。乃其速由文王。作罰刑茲。無赦。然五刑之

疑有赦。五罰之疑有赦。罪疑惟輕。其審克之。雖曰狃于姦宄。

敗常亂俗。三細不宥。而百姓有過。厥罪惟小。眚災肆赦。好生

之德洽于民心政由俗革舊染汚俗咸與惟新時乃功我周

有倫有要輕重諸罰有權上刑適輕下服尚明聽之哉至若

賢才則又汝所當舉左右惟人同于厥政汝翼汝爲汝明汝

聽疇咨若時登庸僉曰任官惟賢才爵罔及惡德惟其賢官

不及私昵惟其能推賢讓能庶官乃和不和政靡我聞惟曰

旁招俊乂列于庶位惟時舉我聞亦惟曰敷求哲人迪簡在

廷惟時舉昔文王灼見三有宅心三有俊心乃克立茲常事

司牧人以俊有德汝念哉國則罔有立政用儉人其惟吉士

勸相國家舉能其官惟爾之能我周建官惟賢位事惟能則

克宅之我惟時其教告之今予告汝庶明勵翼有德惟刑旁

書經集句文稿 選本上卷 六
求俊彥汝其明聽予言往敬用治以休于前政

議論宏闊經術湛深 李兩人

此句與前句同義

此句與前句同義

此句與前句同義

此句與前句同義

此句與前句同義

此句與前句同義

此句與前句同義

此句與前句同義

久道化成。邦乃其昌矣。夫春秋之天下。一殘殺之天下也。夫
 子望其勝與去。而能無思善人之爲邦乎。且古之謀人。有其
 善。安定厥邦。惟以永年。凡厥庶民。式化厥訓。既歷三紀。世變
 風移。允若茲治。期于治。刑期于無刑。四方無虞。邦之臧曰由。
 一人方今天下。爲人上者。惟威惟虐。謂暴無傷。凡民自得罪。
 寇攘姦宄。譬不畏死。不寬綽厥心。以殘害于萬姓。依勢作威。
 倚法以削。殄戮多罪。用其殺民。不若德。其大罰殛之。惟曰爾
 自速辜。不臧厥臧。民罔攸勸。我思之。其惟吉人爲善。安定厥
 邦。多歷年所。乃罔不休乎。我聞善無常主。協于克一。爲天下

書經集句文稿 選本上卷

君作善。降之百祥。膺受多福。惟天降祥。降年有永。有不永。昔
 之人。或享國三十。有三年。或享國五十。有五年。或享國五十
 有九年。或享國七十。有五年。輯和邦家。欲至于百年。厥惟艱
 哉。然一人有績。若弗克見。惟子子孫孫。其承厥志。不掩爾善。
 前人成烈。用敷遺後。人休。臣下化之。享國百年。其克有勳。子
 永念曰。一人元良。萬邦以貞。用德彰厥善。惟民攸訓。茲迪釋
 教。好生之德。洽于民心。不敢動用罰。其惟爾衆罔不率從。勿
 用非謀。非彝。無敢不善。鳴義。姦宄若不在時。人無復譁。張爲
 幻政。由俗革。不于我政。人得罪。取彼凶殘。一能勝去邪。勿疑
 無。或刑人殺人。允迪茲除。其邪虐。開釋無辜。勿庸殺之。其惟

反歐百年妙有證佐

百年按註中希繼而久意

轉

人下可前位善字五

勝殘處殺五十字

教之若有疾。惟民其畢棄咎。大明服。惟民其勅懋和治。民今○亦字句○句○現○成
休亦克用。勸於變時。雍亦克用。又惟乃知德。亦罔不能厥初。
化于汝訓。亦罔不克敬典。從欲以治。可以觀政。除惡務本。可○點○酸○可○以○
以觀德人之有爲。無喪厥善。愛克厥威。邦孚于休。蓋有年于○肅○題○首
茲矣。嗚乎。慮善以動。動惟厥時。爲善不同。同歸于治。人有積○總○束○全○舉○歸○師○必○整○
德。惟茲臣庶咸與。惟新時乃罔不變政。貴有恒。自古若茲。欽○作○成○語○卷○下○言○字
哉。欽哉。古人有言。惟良顯哉。

驅使卷軸指揮如意氣盛則言之短長聲之高下皆宜。李

兩人

書經集句文稿

選本上卷

夫

故遠人不服 一節

戴槃

慎厥修而遠人乃來在安民也夫民不祇若亦惟修其可願
 厥德允修日來日安無有遠邇用德彰厥善矣若日惟德勤
○日勤
 天無遠弗届德惟一動罔不吉無須大動以威敷大德于天
○無大節
 下遂通道于九夷八蠻施實德于生民無不獲乎匹夫匹婦
 民有不若德格則承之奮武威不如揆文教遠人格亦如邇
 人安也古之人用勵國家者罔曰民寡惟均四海罔曰民貧
○領上
 惟安厥邦威若時往敬用治播告之修民服厥命罔有不悅
○出再說到遠人
 其在四方侯服甸服荒服要服惟茲臣庶實繁有徒有弗祇
 服我惟時其教告之其人有德厥命曷以丕惟日交修不逮

書經集句文稿 選本二卷

尤

允迪茲簡厥修以率其或不修允德協于下惟明后典禮典
○此一段一校則修文德句
 樂以正法度敷文命于四海祇台德先濟濟有衆用丕式見
 德疇不祇若休命無有作惡遵王之路會其有極歸其有極
 是訓是行以近天子之光罔弗云來非上求于下民惟民歸
 于一德越在內服外服其有衆咸造爲人上者日我民來既
○從來字反到
 爰宅于茲厥位無安不能胥匡以生民不適攸居一夫不獲
○安字用華不字微下一句輝勝而
 時予之辜惟民之所欲必從之鞠人謀人之保居用懷爾然
○轉正
 邦之安惟汝衆格爾衆庶日來汝綏爰有衆日安汝爽惟民
 迪吉康民訖自若是多盤稽古唐虞帝德廣運乃武乃文東
○此一段以唐虞作證純發全題
 漸西被蠻夷率服德惟善政六府三事允治惟修惟和其時

有苗弗率帝乃誕敷文德舞干羽于兩階七旬有苗格我聞
惟日無怠無荒四夷來王我聞亦惟日安民則惠黎民懷之
念之哉撫綏萬邦惟帝時克亦越我周四正弗庭綏厥兆民
既克商乃偃武修文丕顯文武克慎厥德昭升于上敷聞在
下四方民大和會罔不承德歸于宗周庶民從咸奔走用附
我大邑周惟我周王靈承于旅克堪用德懷爲夾庶邦享作
兄弟方來安勸庶邦亦克用又厥邦厥民惟時敘民懷其德
至于海表罔有不服嗚乎威克厥愛允罔功愛克厥威允濟
同心同德萬姓悅服柔遠能邇自古若茲惟聖天子君萬邦
永康兆民在安百姓不冒海隅出日罔不率俾德明惟明聲

書經集句文稿

選本上卷

三

教四訖而天下咸服光天之下至于海隅蒼生萬邦黎獻共
惟帝臣實萬世無疆之休
融會經說左右逢源妙能以意緯詞絕無堆垛之迹

李雨人

天下有道則政不在大夫

戴槃

大夫不得專政。惟有道之天下然也。夫天下何以有道。惟天

子能以道治天下也。道在天子。斯政在天子。大夫豈尚有專

政者哉。且天子惟君萬邦。百官承式。王言惟作。命臣下攸稟

命令。出惟行。日由一人。凡有官君子。罔以辨言亂政。惟辟作

福。惟辟作威。臣無有作福。作威。昔先王建邦設都。樹后王君

公承以大夫。師長為天下君。豈惟侯甸羣后。越小臣諸節。咸

聽命哉。凡大夫各齊乃位。亦罔有不服。從未有弗念弗庸。慄

厥君者。蓋百工允釐庶績。咸熙用昭。明于天下。曰惟有道。稽

古唐虞。內有百揆。四岳。外有州牧。侯伯。庶政。惟和。俊乂在官。

書經集句文稿 選本上卷

三

百僚師師。夙夜浚明。有家日宣三德。我聞在昔。帝切疇咨。讓

于夔龍。讓于朱虎。熊羆。讓于殳戣。暨伯與。十有二牧。猶讓于

德。惟茲臣庶。誰敢不讓。在後世以私滅公。脅權相侵。昔之人

罔攸聞。方行天下。罔違道以干譽。思日贊贊。襄哉相古。有夏

后克艱厥后。臣克艱厥臣。政乃乂。百執事之人。欽乃攸司。永

弼乃后。惟時義和。顛覆厥德。且以諸侯。而于先王之誅。矧惟

爾御事。列于庶位。其或不恭。邦有常刑。訓迪厥官。永畏惟罰。

疇敢自為政。以速戾于厥躬。光天之下。與治同道。罔不興。臣

哉。鄰哉。聽一人之作。猷相古有殷。克用三宅。三俊。其在商邑。

用協于厥邑。其在四方。用丕式見德。左右惟人。各守爾典。以

○大夫二字不略。○福起下。○匹。○探源。○論。○大。

○中。○段。○以。○虞。○夏。○高。○屬。○分。○柱。○議。○論。○正。○大。○

○讓。○字。○質。○串。○一。○讓。○恰。○能。○如。○題。

○重。○振。○題。○旨。

○從。○諸。○侯。○跌。○入。○大。○夫。○屏。○進。○一。○層。

○不。○脫。○題。○旨。

○運。○殿。○切。○定。○杜。○意。○無。○可。○以。○移。○置。

承天休無庶習逸德之人同于厥政三風十愆制官刑敬于

有位臣下不匡用其刑墨自成湯至于帝乙惟御事厥棐有

恭自靖自獻助成王德顯依勢作威不惟不敢亦不暇往欽

哉王道平平燮和天下臣罔以寵利居成功惟我有周立政

任人準夫牧作三事用勸相我國家其在大都小伯藝人表

臣百司固各恭爾事三事大夫亦則以穆穆在乃位爾邑克

明爾惟克勤乃事罔或干政夫六卿分職各率其屬司徒亦

掌邦政然分猷相從斯謀斯猷曰惟我后之德臣人咸若時

惟良顯哉無有作好遵王之道惟君惟長敷大德于天下曷

敢有越厥志惟后綏猷惟臣欽若休于前政自古若茲今失

書經集句文稿 選木上卷

應世講

三五

厥道亂其紀綱臣之有作福作威其害于而家安得若昔大

猷同底于道俾天下咸曉然于惟辟作福惟辟作威也

鎔式經誥可作一則古文讀 李雨人

依 德結通篇西漢起講滴歸源
平 處處賦詩畢首句作法完密
不 得猷敏妙
以 司徒營刑政作開文勢不
四 包總東前以版
反

君子有九思 一節

戴槃

學貴思誠。君子必求諸道也。夫心之官則思。思則得之。實指

有九非君子之誠而能若是乎。稽古皇陶曰：行有九德。先曰

慎厥身。修思永。彰厥有。常吉哉。君子所其無逸。惟事事。叢于

厥身。交修不逮。慎終于始。各設中于乃心。不敢動用非德。古

之人敬用五事。圖惟厥終。曰：思。思曰睿。睿作聖。允若茲。不思

則罔念作狂。思則克念作聖。君子惟聖時憲。永肩一心。文思

安安。一曰視。二曰聽。視自我視。聽自我聽。不遜聲色。惟天生

聰明。視遠惟明。聽德惟聰。明作哲。聰作謀。言艱曰思。我不敢

知。曰祥。乃視聽無作。聰明由是休有容而康。而色祗厥身。惟

書經集句文稿 選本上卷

三

貌有稽。高明柔克。爾惟和哉。簡而無傲。不敢自暇自逸。直而

溫。愿而恭。溫恭允塞。思夫人自亂于威儀。若夫無載偽。無豫

怠。罔有逸言。克勤乃事。有言遜于志。篤忠貞。制事以義。敬之

哉。思曰孜孜。咸懷忠貞。亦罔不敬典。不若茲爾不克敬。克忠

而霄動。以浮言惟事。其爽侮。至若疑謀。勿成弗詢。勿庸有大

疑。永思艱。曰：好問則裕。乃罔不知。又惟爾忿疾。告汝于難。必

有忍。其乃有濟。懋戒哉。厥心疾。狠不克畏。死以自災。于厥身

思免厥愆。又曰：不殖貨利。無教逸欲。見得若不見。乃其速由

茲。義味思之。欽哉。欽哉。念茲在茲。思其艱。以圖其易。凡有

君子罔或不勤。我聞在昔。禹謨敘九功。洪範錫九疇。勸之以

摘題 乃合九思

一字 鄭辭

身 〇修

項 德字

項 聖字

〇視 聖明 二〇句

〇說 聖明 二〇句

〇論 聖明 二〇句

〇色 聖明 二〇句

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

〇〇〇

九往敬用治君子思亦有九罔敢易法既厥心亦與治同道乎

短峭精鍊卓爾不羣 李兩人

書經集句文稿

選本上卷

三



歌辭辭翰是爾不羣
氏言難出並既于思亦育其罔並是出焉薄心亦與治同道

無求備於一人

戴槃

用人不求備。咸懷忠厚也。夫先王慎簡。乃僚各以其長求備。一人亦大維艱。公惟時其告戒之。周公若曰。我聞在昔。推賢讓能。其惟克用。常人繼自今。以長我國。亦惟任人共政。人之有能有為。各迪有功。作求庶官。無曠不必備。今予命汝。尹茲東郊。宅新邑。予永念曰。凡有君子。立愛惟親。有服在大。僚無作怨。人惟求舊。有小罪不敢廢。予惟時命。有中又惟迪。諸臣百工。則克宅之。克由繹之。用人惟已。凡厥正人。各設中于乃心。汝分猷念。以相從稽。古帝舜時。亮天功。咨十有二牧。咨二十有二人。禹平水土。播百穀。敷五教。明五刑。讓于稷契暨皋。

書經集句文稿

選本上卷

三五

陶若工若草木鳥獸。曰垂曰益。命典樂。命作秩宗。命作納言。各恭爾事。惟其人。罔攸兼。百僚師師。百工惟時。我不敢知。曰以由一人。唐虞稽古。建官惟百。內有百揆。四岳外有州牧侯伯。庶政惟和。夏商官倍。亦克用。又古之人。迪惟有夏宅。乃事宅乃牧。宅乃準。茲惟后矣。亦越成湯。乃用三有宅。克即宅。曰三有俊。克即俊。居上克明。與人不求備。以至於有萬邦。惟文王武王克受。殷命立政。任人準夫。牧作三事。虎賁綴衣。趣馬小尹。左右攜僕。百司庶府。惟事事。乃其有備。文王罔兼于庶言。庶獄庶慎。惟有司之牧夫。是訓用違。亦越武王。有臣三千。罔不同心。勉出乃力。其有能稽謀。自天迪彝教。惟四人。爽邦由。

哲亦惟十人予永念曰惟我有周建官惟賢位事惟能立太

師太傅太保惟三公立少師少傅少保曰三孤掌邦治在一

人掌邦教在一人掌邦禮在一人掌邦典在一人掌邦禁在

一人掌邦土在一人六卿分職各率其屬任官惟才三百有

六無在大亦無在多弼我我其敢求嗚乎小子往卽乃封汝

念哉百執事之人各守爾典齊乃位爾無昵于愉人無自廣

以狹人若有一个臣能多材多藝用作舟楫用作霖雨股肱

惟人小臣咸奔走凡有猷有爲有守汝則念之古人有言曰

責人斯無難惟受責俾如流是惟艱哉子告汝于難無求備

於一夫至于小大之臣三載考績黜陟幽明舉能其官惟爾

書經集句文稿

選本上卷

三

之能稱非其人惟爾不任予不惟若茲多諥

古音古節古色古香淵懿純茂宏我漢京

李兩人

此段說到周分六卿即周

此段說到周分六卿即周

釋○新○民○者○證○諸○詩○書○學○古○有○獲○矣○夫○新○民○在○康○誥○民○新○而○一

人○作○之○也○野上考新○命○在○文○王○民○新○而○上○帝○命○之○也○由○古○訓○者○其○念

之○哉○相○古○先○民○有○殷○德○日○新○萬○邦○惟○懷○惟○我○有○周○用○克○受○殷

命○上節永○綏○民○於○變○時○雍○惟○民○其○畢○棄○咎○古○前○后○安○定○厥○邦○在○後

之○人○宅○新○邑○以○並○受○此○丕○丕○基○王○若○曰○洪○惟○我○幼○冲○人○有○邦

有○土○弗○造○哲○迪○民○康○乃○命○康○侯○往○即○乃○封○韜○和○邦○家○曰○汝○念

哉○民○情○大○可○見○小○人○難○保○往○盡○乃○心○乃○其○久○民○悲○殷○頑○民○弗

率○訓○典○亦○惟○助○王○宅○映命字天○命○作○新○民○惟○民○生○厚○因○物○有○遷○違○上

所○命○從○厥○攸○好○乃○咸○大○不○宣○乃○心○為○人○上○者○樹○之○風○聲○俾○克

書經集句文稿

選本上卷

三七

畏○慕○密○邇○王○室○式○化○厥○訓○爾○克○敬○典○在○德○厥○攸○作○時○乃○罔○不

變○舊○染○污○俗○咸○與○惟○新○新字惟○民○其○勗○懋○和○邦○之○臧○惟○汝○衆○其○永

我○命○于○茲○入下節新○邑○底○綏○四○方○允○若○茲○作○內○作○外○風○移○世○變○邦○其

永○孚○于○休○汝○丕○克○遠○省○今○承○于○古○古○我○先○王○建○邦○啟○土○公○劉

克○篤○前○烈○至○于○太○王○肇○基○王○迹○王○季○其○勤○王○家○惟○文○王○克○成

厥○勳○庸○庸○祗○祗○威○威○顯○民○用○肇○造○我○區○夏○越○我○一○二○邦○以○修

我○西○土○惟○時○怙○冒○民○用○不○變○時○乃○日○新○天○乃○大○命○文○王○殪○戎

殷○誕○受○厥○命○以○至○于○有○萬○邦○其○惟○王○位○在○德○元○陟○丕○釐○上○帝

之○耿○命○懷○保○小○民○用○永○地○于○新○邑○政○由○舊○舊○有○位○人○用○會○紹

乃○辟○厥○亂○明○我○新○造○邦○太○王○王○季○興○我○小○邦○周○雖○則○云○然○天

○點○提○起○落○下○節○便○不○突

休震動用附我大邑周惟文王新服厥命敷大德于天下作

德日休厥民刑用勸允升于大猷亂為四方新辟爾有眾拜

手稽首颺言乃賡載歌詩言志歌永言今民將在祗適乃文

考用康乂民不廢在王命茲殷庶士席寵惟以怙侈滅義將

由惡終往敬用治罔迪不適不迪則罔政在厥邦欽哉欽哉

應保殷民惟新厥德達于上下庶殷不作俾我有周無斃至

于萬年

浩浩落落不煩繩削而自合無一字虛設亦無一字添設

李兩人

書經集句文稿

選本上卷

天



故大德必得其位

一節

戴槃

古帝懋厥德。休徵可應驗矣。夫位祿名壽而能自得。厥惟艱

哉。乃舜俱可必焉。亦曰降祥在德耳。且孝養父母。亦言其人

有德。德惟一。動罔不吉。我聞在昔。帝德廣運。恪慎克孝。一人

永綏。庶邦正。供萬世有辭。百年享國。惠迪吉。惟動丕應。侯志

稽古。帝堯峻德。克明作福。作威玉食。舊有令聞。乃引考罔不

休。舜重華。協于帝。元德升聞。父頑母嚚。克諧以孝。懋昭大德。

作善降之百祥。四者來備。集于厥躬。惟一人膺多福。其惟位

在德。元作明辟。昔者堯咨四岳。曰朕在位七十載。能庸命。異

朕位。岳曰。否德忝帝位。有齔在下。曰虞舜。乃命以位于後。月

書經集句文稿 選本上卷

三

正元日。格于文祖。陟帝位。穆穆在上。萬邦之君。欽哉。慎乃有

位。四海困窮。祿永終。惟我后之德。丕平富。克綏祿中邦。成賦

二百里。納銍三百里。納秸四百里。粟五百里。米以萬民。惟正

之供。食哉。惟時。既富方穀。尚迪有祿。以奉我一人。威若時。其

建無窮之基。亦有無窮之聞。丕單稱德。顯在厥世。濬哲文明

溫恭。允塞德裕。乃身誕敷。文德舞于羽。有苗格。聲教訖于四

海。元首明哉。用成顯德。名在茲終。有辭于永世。夫克終允德。

惟以永年在後之人。或十年。或七八年。或五六年。或四三年。

亦罔或克壽。舜生三十。徵庸三十。在位五十。陟方九五。福一

曰壽。壽平格。以佑乃辟。實萬世無疆之休懋哉。懋哉。為天下

君不期驕不期侈用德彰厥善惟良顯惟克永作德心口体

應首○取福備二字

點得字

點必字

眼前○

斂時福惟事事乃其有備子惟日能自得者若升高必自下

章白卑白通○之○意

○推定孝字○

○落○下

若陟遐必自邇令德惟孝則錫之福撫萬邦始于家惟德動

○節字字清所○

天以昭受上帝天其申命用休日篤不忘

論古有識運用生新眼前語拈來都成妙諦 李雨人

書經集句文稿 選本上卷



紹先烈而成武功。天下永有辭矣。夫武王能迪前光者也。戎

衣壹著。立定厥功。惟名顯哉。若稽古帝蓋。前人之愆。惟孝曰

都。曰俞讓于德。陟帝位為天下君。舊有令聞。亦越武王。紹聞

衣德言。若爾三王。亂爾四方。終有辭于永世。我周建邦。啟土

慎固封守。以蕃王室。相古先民。有後弗棄。基在後之人。惟文

王。武王敷大德于天下。厥父蓄厥子。乃肯播肯穫。厥考作室

厥子。乃肯堂肯構。克成厥勳。誕受多方。丕顯哉。文王謨。克紹

先烈。惟武王其承厥志。而俾我有周無斃。啟佑後人者。不始

于文考。文王古我前后。太王肇基王迹。王季其勤。王家各迪

書經集句文稿 選本上卷

三五

有功克勤于邦。厥基字于休。王亦顯亦越。文王若日月之照

臨光于四方。顯于西土。乃祖乃父。世篤忠貞。服勞王家。肆嗣

王丕承基緒。纘乃舊服。曷敢有越厥志。武王曰。皇天既付中

國民。越厥疆土。于先王。太王季克自抑畏。興我小邦。周惟

我文考。殫戎殷。誕膺天命。以撫方夏。大勳未集。天毖閔我。成

功所予。曷其不于前人。圖功攸終。今子以爾有眾。奉將天罰

以遏亂略。爾眾士同力王室。俾其旅若林。罔有敵于我師。壹

戎衣天下。大定昔成。湯放桀于南巢。惟有懃德。曰子恐來世

以台為口實。我武惟揚。侵于之疆。殺伐用張。厥或告曰。小人

怨汝。詈汝。厥口詛呪。叢于身。是罔顯在厥世。而百姓懍懍。懍若

天不夫纘名

分按三句熱切

先

提出文武

跟上子沐

扣顯字

落

筆有法

太王季克自抑畏起界清楚

頂勤字

頂基字

文王天與一王平列

得法

第一類字

點纘絲反通文句

已入次句又縮合首句題通單貫

善為說詞

落次句

借成湯作詞推波助瀾

人武王仍

用翻筆折再厲

崩厥角。華夏蠻貊罔不牽俾。咸曰：惟我后之德。天有顯道。厥

類惟彰。武王肅將。天威無失。厥道用成。顯名昭明于天下。罔

有擇言在身。嗚乎！立定厥功。邁迹自身。新命于三王。惟永終

是圖。嗣有令緒。丕單稱德。垂拱而天下治。其惟時成。周建無

窮之基。亦有無窮之聞。至于豐歸馬于華山之陽。放牛于桃

林之野。示天下弗服。武成大告。乃告太王。王季。文王。元首明

哉。統承先王。君萬邦。惟天子奄有四海。既富方穀。七世之廟

可以觀德。克多享惟王。子子孫孫永保民。

鋪敘事實。易至板滯。此文通體生趣。盎然斯為巧不可階。
李雨人

書經集句文稿

選本上卷

林之野。示天下弗服。武成大告。乃告太王。王季。文王。元首明
哉。統承先王。君萬邦。惟天子奄有四海。既富方穀。七世之廟
可以觀德。克多享惟王。子子孫孫永保民。
鋪敘事實。易至板滯。此文通體生趣。盎然斯為巧不可階。
李雨人

修身也 九句

治法得其序九經可備舉焉夫天下國家期于治事事有備

由修身遞而推之其有條而不紊乎若曰明王立政邁迹自

身主善為師人紀肇修小大之臣罔不欽罔不恤凡爾眾及

人之有技承之庸之至于海隅蒼生六服羣辟一人承綏允

迪茲九功惟敘監于先王成憲其承無愆為天下國家有九

經公其念哉一日修厥身其或不修欲敗度縱敗禮以自災

于厥身惟皇作極檢身若不及以禮制心罔失法度敬修其

可願厥修乃來允懷于茲道積于厥躬一人元良萬邦以貞

慎厥身修思永王祇厥身惟德是輔任賢勿貳其典常作之

書經集句文稿

選本上卷

三五

師立太師少師官不必備惟其人是崇是長后非賢不又為

人上者顓俊尊上帝所寶惟賢而野無遺賢必先好于而家

昔先王分寶玉于伯叔之國時庸展親我知其彝倫攸敘天

敘有典勅我五典五惇立愛惟親念之哉以親九族綏定厥

家由家以及朝廷良臣惟聖有服在大僚三公經邦六卿分

職服勞王家不可不敬王敬作所念敬我眾服休服采芻惟

爾事曷其奈何弗敬百執事之人越尹氏庶士御事下至綴

衣小尹百司庶府齊乃位咸奔走百僚師師迪簡在庭惟茲

臣庶充耳目作股肱日體其罔害惟一人恤由朝廷以及國

濟濟有眾民可近不可下民惟邦本眾非元后何戴直聰明

柔遠人則四方歸之

戴槃

終言柔與懷之效而德之所被者廣矣夫四方不易歸也天

下不易畏也歸之畏之非柔懷之效不至此且爲人上者威

克厥愛允罔功愛克厥威其有濟有衆咸造四夷咸賓無須

大動以威蓋四方之民罔有不格天下之君罔有不服亦曰

天子撫萬邦底綏四方敷大德于天下臣請言柔遠人懷諸

侯之效今日者四方多事詰爾戎兵庶民從成奔走不能奠

厥攸居至于海隅蒼生罔有定極矧日其有能格遵王之路

我民永有依歸方行天下東方諸侯西方諸侯朋家作仇脅

權相滅作福作威大放王命乃罔畏畏此無他不柔不懷說

書經集句文稿

選本上卷

三

百若是惟戒茲允茲克明乃罔不休施實德于民無遠弗届

日柔克東漸于海西被于流沙朔南暨聲教訖于四海遠人

格適攸居攸服奔走臣我多遜用附大邑四方無虞會其有

極歸其有極以近天子之光咸若時爾有衆罔不率俾悉至

于庭友邦冢君與有厥功王乃昭德之致于庶邦懷爲夾五

百里侯服五百里綏服五百里要服五百里荒服五百里甸

服無有遠邇用懷爾然光天之下羣公旣皆聽命罔不祇畏

凡造邦各守爾典以承天休德威惟畏曷敢有越厥志惟我

周王綏厥兆民四征弗庭旣克商遂通道于九夷入蠻西旅

底貢厥絜四方民大和會歸于宗周非周求于下民惟民歸

頂成字
方歸天
長逆入
柔懷詞
氣
漸括
入手從
及面
載
來按時切
勢

翻首句
翻次句
反
指上三〇〇字

古音古節
卽
天
下
歸
甲
入
諸
係

上
文
武
符
音

跟

謹庠序之教 二句

戴槃

設教以明義王道全矣夫國有庠序而庠序所重者孝弟也

謹其教以申其義王道不亦備哉若曰王今者長王國自謂

盡心水○固

往盡乃心曷弗念我古后之閔德惟善政厚生必先正德訓

頂○德○字

子德莫麗陳教明于德祇父蒸克學于古訓乃有獲允茲克

明○字

明罔不休非惟曰政在養民王者豈僅教田里導樹畜已哉

入○于○先○從○古○人○之○教○明○倫○提○是○

我聞在昔古之人胥訓告胥教誨率又于民秉彝民無或胥

壽張為幻彊而義奔走事厥考厥長用孝養厥父母以和兄

反○接○到○戰○國○時

弟懋哉懋哉惟良顯哉越至于今惟民不靜不惟好異習俗

勿○戰○國○時

靡靡利口惟賢違上所命惟游說是好而胥動以浮言茲迪

書經集句文稿

選本上卷

三完

精○可

彝教此厥不聽人乃訓之乃變亂先王之正刑狎侮五常我

翻○次○句○

不知其彝倫攸敘子弗祇服厥父事大傷厥考心于弟弗念

特○正○

天顯大弗克恭厥兄茲乃不義習與性成惟民彝大泯亂王

懋○厥○德

懋厥德其惟戒茲進厥良以率其或不良正色率下惟學遜

野○庠○序

志務時敏罔不祇師言天佑下民作之師揆文教念終始典

點○謹○文

于學達于上庠下庠列在東序西序成憲無愆自古王若茲

下○句○自○來

先王克謹惟時其教告之允迪茲重民五教敬敷五教惟多

反○出○孝○弟

士式化厥訓乃用教辭王又申告于民曰凡民自得罪元惡

廣○惡○字

大慙矧惟不孝不弟懋戒哉除惡務本立愛惟親立敬惟長

頂○愛○敬

乃其速由茲義天敘有典五典五惇典厥義無克厥愛不可

不敬先王肇修人紀用告多士迪屢未同至于再至于三惟
時命有申不章百姓百姓昭明厥民刑用勸用其義今王安
從說○到○來○下○身○上○針○對○長○不○加○多
定厥邦罔曰民寡惟既厥心民心宵漸格則承之姑惟教之
戒之用休董之用威惟德惟義時乃大訓名言茲在茲若德
聽教惇信明義學古入官惟孝友于兄弟人咸若時時乃罔
不變允升于大猷欽若先王成烈以休于前政
振○合○政○字
運用卷軸神與古會古藻紛披一空凡艷 李兩人

書經集句文稿

選本上卷

甲



王赫斯怒 五句

戴槃

周王以怒興師。應乎天而順乎人也。夫文王之怒而整旅。過

徂莒也。而周祜之篤。以此天下之對亦以此詩言不有明徵。

耶且王者克寬克仁。上下勤恤。並其有邦厥鄰。亦無疆惟恤。

然簡恤爾都。愛克厥威。未能威克厥愛。文教揆而武衛不奮。

其何以取彼凶殘。敬天之休。從民之欲。而詩之詠文王者。則

不若茲。惟我有周。世有積德。皇天眷佑。下民祇若。而興我小

邦。周西土惟時怙冒。光天之下。懷于有仁。始于穆考。文王意

者大動。以威不如仁。人昭升于上。敷聞在下。其無煩迪果毅。

而詰爾戎兵乎。且夫偃武修文。惟王懋德。而彰善瘴惡。惟辟

書經集句文稱 選本上卷

聖

作威今者密人大不克恭。有權相滅。侵阮之疆。稱爾戈比。爾

干立爾矛。惟威惟虐。大放王命。小腆誕敢。紀其敘將。以鄙我

周。邦而流毒天下。允若茲罔懲。其侮曷克。日兼弱攻昧。夫敢

行暴虐。用喪小邦。皇天震怒。爾民共怒。王乃徇師。誓衆肅將。

天威。恭承民命。殺伐用張。爰率其旅。若林如虎。如貔如熊。如

罷善敎。乃甲冑備。乃弓矢礪。乃鋒刃。爾衆士同力。除其邪虐。

罔有敵于我師。以遏亂略。其克有勳。或曰誕敷文德。惟天降

祥。而我武惟揚。毋乃不克。龔于休祥。然文考取亂。侮亡天佑。

我有周。卽惟時建。無窮之基。夫我周世。篤忠貞。太王肇基。王

迹。王季其勤。王家受命。篤弼多歷。年所惟文。王誕膺天命。以

撫方夏克篤前烈一人膺受多祜威若時達于上申命用休

協于下中句不應俟志邦畏其力民懷其德方行天下罔有不

推亡固存告爾有多方士俾萬姓咸曰俟我后后來其蘇夫

民之戴周厥惟舊哉昔君文王懷保小民惠鮮鰥寡其惟爾

衆對揚光命對揚休命以丕從厥志而除惡務本一人有績

敷大德對于天下出題欽哉欽哉奉答天命式敷民德俾我有周

無斃用昭明于天下敬清上三僉曰德威惟畏率過衆力惟我文考震

怒天錫王之勇是之謂大

成竹在胸借書於手非枝枝節節而爲之者 李雨人

書經集句文稿

選本上卷

聖

昔者禹抑洪水而天下平

戴槃

古先后安定厥邦。水土平矣。夫洪水氾濫天下未平。稽古大

禹抑而平之。昔之人其能已乎。昔者堯咨四岳曰。湯湯洪水

方割下民。其咨鯀。潭洪水九載。績用弗成。禹乃嗣興。蓋前人

之愆。惟忠惟孝。克勤于邦。有能俾乂。聲教訖于四海。告厥成

功。稽古唐虞。四方既平。庶績咸熙。我不敢知曰。垂拱而天下

治。古人有言。后克艱厥后。臣克艱厥臣。政乃乂。惟臣欽若。永

弼。乃后對揚天子之休命。亦惟圖任。遣大投艱于身。不敢自

暇。自逸思。日孜孜。自古王若茲。茲不忘大功。永底烝民之生

以除害于萬姓。古之人迪。惟有夏我聞在昔。洪水滔天。浩浩

書經集句文稿 選木上卷

四三

懷山襄陵。方行天下。下民昏墊。有能奮庸。熙帝之載。使宅百

揆。往欽哉。禹乃乘四載。隨山刊木。濬滄距川。往任克勤。乃事

無教。逸欲有邦。導弱水至于合黎。導黑水至于三危。嶓冢導

漾。岷山導江。導河積石。導淮自桐柏。導洛自熊耳。導渭自鳥

鼠。同穴。禹曰。洚水警予。曷其奈何。不抑其惟。諸臣百工聽一

人之作猷。禹作司空。往敬用治。水無津涯。克自抑冀。州恒衛

既從。兖州雷夏。既澤。海岱惟青州。嶠夷既略。海岱及淮。惟徐

州大野。既豬。淮海惟揚州。三江既入。荆及衡陽。惟荊州。沱潛

既道。荆河惟豫州。滎波既豬。華陽黑水惟梁州。黑水西河惟

雍州。岷嶓既藝。漆沮既從。東原底平。蔡蒙旅平。九州攸同。天

下大定懋哉懋哉地平天成六府三事允治惟帝念功光天

之下至于海隅蒼生罔不咸賴允若茲九川滌源四隩既宅

庶土交正成賦中邦稷乃泰庶艱食農殖嘉穀平秩東作平

秩西成歲則大熟家用平康然烝民乃粒萬邦作乂非禹敷

土奠高山大川后稷罔與成厥功禹平百姓天下莫與爭能

禹平邦國天下莫與爭功予懋乃德嘉乃丕績往敷求于夏

先哲王厥有成績紀于太常越至于今九河道四海同一人

有績兆民賴之終有辭于永世相古先民有夏僉曰禹平水

土惟時懋哉自時厥後惟周公孔子陟禹之迹其監于茲今

之人迂乃心予畏上帝不敢不正因拂百姓以從已之欲聖

書經集句文稿

選本上卷

有謨訓明微定保式克欽承惟予不言有厥咎

氣機洋溢卷軸琳瑯

李雨人

請到好辭句

圖

...

...

...

...

...

...

...

入疆而行慶典侯邦懷其德矣夫天子入疆所以行慶施惠

也越在侯服各恭爾事其用命賞以地乎曰天子惟君萬邦

建其有極凡小大邦勉出乃力聽作猷庶績咸熙崇德報功

有能奮庸熙載宅爾宅畋爾田耆壽俊在厥服各迪有武功

多有厚賞昔先王建邦啟土列爵惟五分土惟三功疑惟重

賞延于世肆命爾侯往卽乃封無教逸欲有邦爾庶邦君有

茲疆土慎固封守世篤忠貞則予一人汝嘉予選爾勞不掩

爾善亦不敢動用非德乃入其疆越我一二邦以修則大賚

諸侯掌邦土居四民時地利厥土惟壤下土墳壚原隰底績

書經集句文稿 選本上卷

望

乃辟其能而亂四方庶土交正土穀惟修卽康功田功厥田

惟上上厥田惟中中厥田惟下下咸則三壤至于野惟其陳

修爲厥疆畎既勤敷蓄往敬用治爾有善利用厚生政在養

民引養引恬無侮老成人罔不克敬惟賢非后不食惟后非

賢不父是崇是尊是信是使是以爲大夫卿士所寶惟賢其

惟吉士用勸相國家旁招俊乂敷求傑人亦則以穆穆在乃

位咸若時申畫郊圻以康四海勤勞稼穡純其藝黍稷曷敢

不終朕敵無遺壽考無遠耆德前後左右有位之士罔非正

人各守爾典以承天休庶事康哉敷納以言明庶以功重服

以庸誰敢不讓邦之榮懷以待一人之慶天子曰敬哉有土

戴槃

虛籠大之意

句○泰○折○舍○趨○在○旌

從先○王○說入○高○踞○題○巔

批起慶字

總籠舍○起

先通○起○度○字○

出首句○

○土○地○二○句○字○字○剔○清○入○養○老○一○句○

○總○求○一○句○

○德○求○一○句○

○德○求○一○句○

○層○接○以○利○氣○通○以○道○

○德○求○一○句○

○德○求○一○句○

○德○求○一○句○

○德○求○一○句○

○德○求○一○句○

出慶字○
○依○下○句○仍○

帶定上〇數項

凡厥庶民服田力穡惟爾之能惠我黎民任賢勿貳克用三

宅三俊列于庶位爾克敬典在德予懋乃德嘉乃丕績非賚

爾拒鬯一亩咸中有慶其永地于新邑不若兹惟荒土功播

棄黎老附勢簡賢小人在位六年一朝至于再至于三爾

不啻不有爾土予亦致天之罰于爾躬

〇注 審到六師移之

如題布局自成機杼匠心獨運妙手天成 李雨人

書經集句文稿

選木上卷

吳



取... 庶民... 爾... 德... 嘉... 丕... 績... 非... 賚... 爾... 拒... 鬯... 一... 亩... 咸... 中... 有... 慶... 其... 永... 地... 于... 新... 邑... 不... 若... 兹... 惟... 荒... 土... 功... 播... 棄... 黎... 老... 附... 勢... 簡... 賢... 小... 人... 在... 位... 六... 年... 一... 朝... 于... 于... 再... 于... 于... 三... 爾... 不... 啻... 不... 有... 爾... 土... 予... 亦... 致... 天... 之... 罰... 于... 爾... 躬... 如... 題... 布... 局... 自... 成... 機... 杼... 匠... 心... 獨... 運... 妙... 手... 天... 成

再命曰尊賢育才 一段

戴槃

齊君用人惟已言又作命矣夫賢惟時其尊之才惟時其育

之有德惟時其彰之桓公厥有成命敢曰言不再乎昔桓公

克成厥勳有服在大僚是崇是長是以為卿人之有能有為

亦穆穆在乃位其在四方用丕式見德乃大降明命至于再

曰昔先王建邦啟土建官惟賢位事惟能以克俊有德乃言

曰子一人膺受多福實賴前後左右有位之士作朕股肱耳

目敷子心腹腎腸爾庶邦君舉能其官惟爾之能旁招俊乂

列于庶位則予一人汝嘉古我前后推賢讓能無越厥命是

訓是行用敷遺後人休肆予小子不敢日罔聞知越至于今

書經集句文稿 選本上卷

聖

為人上者官及私昵自大夫師長越尹氏庶士御事罔或者

壽俊在厥服乃惟庶習逸德之人同于厥政惟羞刑暴德之

人同于厥邦君子在野小人在位不訓于德是罔顯在厥世

惟戒茲無昵于儉人充耳目之官無以巧言令色便辟側媚

其惟吉士今予曷敢多誥用人惟已予惟時命有中爵罔及

惡德惟其賢惟其能簡厥修亦簡其或不修進厥良以率其

或不良自一話一言末則為成德之彥以又我受民我聞惟

日野無遺賢籲俊尊上帝我聞亦惟曰任官惟才育于國允

若茲是信是使厥類惟彰有猷有守嘉言孔彰亦行有九德

亦言其人有德彰厥有常吉哉爾友邦豕君尚明聽之慎簡

段局勢不平

選本上卷

聖

從桓公說入

育才

入手從先王說起先言先王之用人

一居先王教人用

此一層說到齊先公之用人

指到水邊

翻開

轉正

虛拍本題

接筆緊不略首三字

聯唇十字

聯育十字

語意有德

評寫處却得語誠且氣

進申四命。霸王之告友邦者至矣。夫官以世則廢職事必攝

則曠官。吉士不得則失人。大夫專殺則作威。凡友邦豕君其

戒哉。昔先王建邦啟士。舉能其官。世篤忠貞。無求備于一夫

百執事之人。各守爾典。旁招俊父。列于庶位。罪疑惟輕。不敢

動用。非罰厥有。成績紀于太常。惟桓公時。命有申其四曰。繼

自今。爵及惡德。惟士子孫。孫無廢厥職。小大之臣。不各恭

爾事。與人求備。君子在野。弗克迪簡。在庭作福。作威人有罪

罔有攸赦。用其刑爾。友邦君懋戒哉。我惟時其教告之。乃降

明命。我聞惟曰。世祿之家。鮮克由禮。席寵惟以。怙侈滅義。為

書經集句文稿 選木上卷

吳

人上者。官不及私昵。惟其能爾。多士有能有為。克成厥勳。以

且夕承弼。厥辟罔不臧。在後之人。尚迪有祿。我不敢知。曰。官

人以世。又惟迪諸臣。百工則克宅之。明王立政。六卿分職。各

率其屬。下至綴衣小尹。百司庶府。惟事事乃其有備。迪惟有

夏乃牧。乃事乃準。克即宅亦越文王。庶言庶獄庶慎。罔攸兼

允。茲克明。百僚師師。各迪有功。荏事惟煩。無攝厥官。以自覆

國。則罔有立政。用愴人其惟吉士。用勸相我國家。古之人敷

求哲人。俾輔後嗣。旁招俊父。啟迪後人。簡厥修。進厥良。則惟

成德之彥。闢門明目。達聰爾四方。士我其取之。野無遺賢。能

自得。凡我有官君子。三事大夫。有厥罪小。適爾道極。厥辜時

題前補

乃不可殺其或不恭○邦有常刑○乃其速由作罰○刑茲無赦○刑
人殺人○惟一人有佚罰○不敢專敬○告天子庶邦○冢君念之哉
舊有位人○不能保子孫○有其善稱非其人○惟爾不任越尹氏
庶士御事○不能多材多藝○敬爾有官○有備無患○其惟爾多方
士有猷有守○惟時與凡人○自得罪惟爾速辜○其刑上備臣攸
稟令咸若時○欽若先王○成烈以對揚光命○亦職有利哉

古調獨彈迥超凡響 李兩人

書經集句文稿

選本上卷

辛



在上者克明德禮。民刑用勸矣。蓋德禮人所不易者也。道齊者咸若時。罔有不格。豈同於無愧恥哉。且天命有德。五服五章。哉。天秩有禮。五典五惇。哉。慎乃服命。不可不敬。其大惇典。

自我有庸。皇建其有極。用敷錫厥庶。庶民極之。數言是訓。是行。

庶民從是。是之謂大同。道民齊民。既圖厥政。有常刑矣。我聞惟。

日德惟善。政政在養民。又曰伯夷降典。折民惟刑。而農用八。

政。即繼以乂。用三德刑之。屬三千禮之。屬亦三千戒之。哉。弗。

庸德縱敗。禮以速戾。于厥躬念之。哉。懋乃德。殖有禮。其典常。

作之師。古之人彰厥有常。亦行有九德。發號施令。可以觀政。

書經集句文稿 選本下卷

不如可以觀德。惟皇作極。迪彝教。必綜乎峻德。克明元德。升。

聞修厥身。惟明后。允德協于下。古之人直哉。惟清有能。典三。

禮。列用中罰。五刑有服。弗若五禮。有庸居上。克明擾兆民。非。

惟日宗伯掌禮。惇宗將禮。率厥常作。明辟以禮制厥心。惟君。

惟長式敷。民德俾萬姓咸遵。王之道齊于民。亦罔不克敬。典。

益進厥良。以率不冝。樹之風聲。而王疾敬德。王肇稱禮。正色。

率下。惟后克綏厥猷。而有其善。無喪厥善。俾克畏慕。則民歸。

于德。民克由禮。世變風移。惟民其畢棄。咎允迪。茲無不恥。過。

且格爾眾庶。天佑下民。作之君。惟民生厚。因物有遷。今見夫。

為人上者。無怠無荒。迪厥德。有典有則。定于禮。而舊染汚俗。

出所以然

德禮是顯中一定之法

工對

出道○奔二字

中一比者○上起下接○從自如

後二比微下可○泡定德禮道能快

出下可

與政刑不克

反○○○屬

眞那命

項惇字

從上政刑○脫即德禮○自然到題

咸與維新。四方風動。俾子從欲。以治。遵王之義。遵王之路。其
心愧恥。時乃罔不變允。升于大猷。惟一人膺受多福。皇降于
民。有恒性。生民有欲。違上所命。今見夫爲人上者。安汝止不
替。義德執厥中。修其禮物。而式化厥訓。胥克用。勸萬民。咸和
惟動。不應。僣志。會其有極。歸其有極。庶有格命。汝克黜乃心。
用會紹乃辟。實萬世無疆之休。懋哉懋哉。道以正直。罔弗若
于。政齊有倫。要治期于無刑。達于上下。厥命曷以惟德。惟禮
時乃大訓。

機法相生左宜右有集句體得此可稱作手 李雨人

書經集句文稿

選本下卷

四



居官者罔有攸兼。無越位自無越謀也。夫任人立政。所以宅
乃事也。若未在此位焉。則謀之不臧矣。居官者其戒哉。曰百僚
師師。列于庶位。亦惟圖任共政。而無曠庶官。越小大謀猷。罔
不率從。圖厥政。惟厥攸居。率惟謀克勤。乃事自靖。自獻非其
宛轉甚也

人無以利口亂。亦則以穆穆在乃位。昔先王分職。率屬各迪
起二此先將位字政

有功。掌邦教。掌邦政。掌邦土。有司徒。司馬。司空。乃命以位。而
乃授清前略一定之法

羣臣謨明。弼諧惟既。厥心無戲。豫無逸欲。無怠荒。凡有猷有
此以虞周分註言政與位相補

為。有守。同于厥政。稽古唐虞。建官惟百。內有百寮。四岳外有
一此以虞周分註言政與位相補

州牧。侯伯。庶政惟和。日常厥德。保厥位。其建無窮之基。惟我
此以虞周分註言政與位相補

書經集句文稿 選本下卷 五

有周列爵。惟五。左右常伯。常任。立事牧夫。準人。政治道洽。各
此二

恭爾事。齊乃位。曷敢有越厥志。繼自今。有官君子。由乃在位。
此二

聽作猷。欽乃攸司。慎乃出令。以休于前。政政在養。民能保惠。
此二

于庶民。政惟由舊。乃式先。正舊典。兢兢業業。不敢康。而嘉謀
此二

嘉猷。入告于后。至于今。三事大夫。乃正厥位。宅乃事。敬爾有
此二

官。亂爾有政。不敢廢。乃命慎。厥終。惟其始。政貴有恒。惟克斷
此二

罔後艱。政乃不迷。祇祇庸庸。不自逸。而斯謀斯猷。惟正是又
此此言在其位不謀其政

夫康好逸。豫荒厥職。發號施令。荒于邑。不作。卽位弗慮。胡獲
此此言不在其位謀

弗為。胡成。蓄疑敗謀。是謂怠忽。荒政而作。聰明以亂。舊章矜
此此言不在其位謀

其能以亂紀綱。無安厥位。凡人有為。從己之欲。弗詢之謀。是
其政

其能以亂紀綱。無安厥位。凡人有為。從己之欲。弗詢之謀。是
其政

其能以亂紀綱。無安厥位。凡人有為。從己之欲。弗詢之謀。是
其政

子欲善而民善矣

戴槃

從厥攸好善達于上下矣夫人為不善習與性成也欲善而

庶民從焉其治民今休乎若曰惟皇降衷下民若有恒性克

綏厥猷惟后今民罔迪不適不迪則罔政在厥邦為人上者

政在養民惟善善政凡厥庶民曷敢有越厥志子圖厥政日用

其殺我思之勿庸殺之姑惟教之爾有善弗敢蔽惟正是又

之不若茲作不善亂罰無罪殺戮無辜怨有同是叢于厥身

不若時為不善依勢作威倚法以削用其刑以虐于百姓懋

戒哉凡民自得罪罔不惟畏格其非心俾克畏慕爾典常作

之師協于克一丕惟曰生民有欲從已之欲念之哉惟民其

書經集句文稿 選本下卷

七

康又罔不率從茲迪彝教不從厥志用敷錫厥庶民建其有

極不敢曰民之所欲我尚不欲我聞天道福善升于大猷膺

多福罔弗若天聰明自民聰明民情可見惟率肆矜爾我

聞吉人為善用訓厥道能有為其為常人爾之中惟民之中

民則式和亦職有利哉樹之聲曰彰善有其善率又于民斐

彝彰厥有常進厥良以率不良聰聽彝訓是行是訓降之祥

曰作善有其善永康兆民無斃明作有功身克正罔敢弗正

其大悖典有則有典慮善以動動惟厥時正色率下罔不用

我教辭舊染汚俗咸與新時哉不可失丕應惟動為善不同

同歸于治惟既厥心無弗若于汝政愛克厥威其有濟治期

頂治○字同字

○四語一東補裝○柳案

于無刑是謂大同允迪茲德無常師惟曰主善為師往敬用

後○四此傲而○民善矣正則

治俾克從欲以治不剛不柔民用丕變惟爾眾自作弗靖克

頂○字

黜乃心時乃罔不變用彰厥善而康而色民刑用勸惟民生

頂○勸字

從厥攸好為上所命慎厥麗乃勸無喪厥善式化厥訓勿用

頂○字

非謀非藝惟民其畢棄咎會有極歸有極不罹于咎無敢不

善同底于道無有不吉不迪惟民其勗懋和率厥常率厥典

一頂和○字

厥中克和不掩爾善善無常主子訓其成式惟又欲左右民

頂○好○字

人無或譁張為幻爾惟風下民惟草凡君子風動四方懷于

有仁相小人庶草蕃無罔不率俾

短比鱗次層出不窮人巧天工兼擅其勝 李兩人

書經集句文稿

選木下卷

八



[Faded vertical text columns on the left side of the page, mostly illegible due to fading.]

選於衆舉伊尹

戴槃

臣爲上爲德若時登庸矣夫伊尹左右商王者也簡有衆惟

時舉湯真聰明齊聖哉日若稽古帝舜濬哲文明既日知人

則哲能官人亦越成湯敷求哲人有一个臣作股肱耳日汝

翼汝爲其弼直夫哉子之退有後言吾更不忘夫湯之爲天

下君簡賢附勢實繁有徒若苗有莠若粟有秕造我邦于有

夏奉天惟辟改過不吝惟已用人德懋懋官功懋懋賞乃旁

求于天下用爽厥師惟后非賢不久旁招俊又列于庶位迺

簡在王庭而良臣惟聖服在大僚稽于衆舍已從人王若日

予選爾勞思贊贊襄惟賢非后不食凡厥正人其惟吉士勸

書經集句文稿 選本下卷

九

相我國家而聿求元聖與之戮力以與爾有衆請命子惟日

舉能其官惟明明后則有伊尹克俾厥后惟堯舜一夫不獲

則日時子之幸乃惟成湯作相置諸其左右一德咸有則子

一人汝嘉其在爾商後王在太戊時則有若伊陟在祖乙時

則有若巫賢率惟茲有陳保又有殷故殷禮嗟配天多厯年

所而旁求俊彥啟迪後人惟先王味爽丕顯往求殷先哲王

用三有宅日克即宅用三有俊日克即俊用協于厥邑嚴惟

丕式凡我有官君子罔有不臧而惠于阿衡克祗厥辟惟尹

躬左右宅師于後嗣王丕承基緒猶日昔先正保衡作我先

王佑我烈祖是行是訓篤不忘乃祖成湯以有九有之師爰

顯上舜起

廟章旨

顯庸字成

伊上

起二此繁切湯時立論

此從衆字說到選

虛指

出繼字

已前律伊尹

舉字

日在汝出

此以前後王之弊而補出湯

勿定湯

此以湯之用

人補是伊尹

切定伊尹

北比言後人追湯舉伊尹

用意新穎論妙能達

革夏正惟日能自得師者王厥後周公洪大詰治猶曰昔成

湯受命有若伊尹格于皇天言茲在茲永遠念相古有殷亂

為四方新辟亦曰克綏厥猷惟后欽哉欽哉主善為師闢門

明目達聰祇承于帝任賢勿貳惟帝時克推賢讓能惟王不

承聖武布昭天錫勇智其克灼知厥若懋哉懋哉永弼乃后

拜首稽首颺言罔俾專美臯陶邁種德民協于中伊尹陳戒

德民刑用勸前後有位一日正直時則勿有間之允若茲既

獲仁人罔不率俛彼巧言令色孔壬孰敢近天子之光哉

又入妙來無過熟取之左右逢其源 李雨人

書經集句文稿

選本下卷



Vertical text columns on the left side of the page, including a large '書' character and various smaller characters, likely bleed-through or additional text.

人之言曰爲君難

戴槃

責難於君嘉言罔攸伏矣夫君作民主惟難人言咸若時當

思其艱矣子因哀公之問而懼時其告之曰天子惟君萬邦

言出惟命責人斯無難惟受責俾如流是惟艱哉對竭難作之君能

有爲投艱于身惟其人良于言辭尙體要兢兢業業天工人

其代之萬姓咸曰天位艱公其念哉克勤于邦惟君惟口出

好在人有一于此言足聽聞泯泯勞勞無稽之言勿聽罔有逸

之謀人有典有則乃敢大言惟今之謀人是行是訓罔有逸

言皇建有極敢敬告天子曰亦大惟艱庸庸祇祇罔有擇言

在身有言逆于心詢謀僉同下及庶人有言遜于志明徵定

書經集句文稿 選本下卷

十一

保其惟常人君作恭先用威戒于王曰莫或不艱古之人作

元后無淫于觀于遊一人有事于四方祇勤于德稽古帝堯

稽古帝舜稽古大禹不敢怠荒聖謨洋洋嘉言孔彰罔不日

克艱厥后昔之人祇厥辟無有作福作威至朝至于日中只

不遑暇食亦越成湯亦越文王亦越武王無時豫念思日致

致名言在茲罔不日惟大艱人行之維艱古人有言凡厥正

人庶言同爲天下君僉曰其難一日天難諶弗畏入畏天其

墜命亦惟君惟長顧諟天之明命罔不惟畏天命靡常慎乃

有位越小大謀猷罔弗若天天討有罪致之罰天命有德錫

之福奉天惟辟告汝于難一日小人難保不滅厥戚民罔攸

此亦時切不浮

天分比例義括

原畏字

爲古入言爲君難做實

堅疏

工對

下三字

此亦時切不浮

從古人有言說到人言出

原畏字

此亦時切不浮

勸凡有爲有守用顧異于民岩罔有不臧民情可見往盡乃

心無康好逸豫乃其又民百姓有過在一○人萬方有罪由一○

人安民則惠惟帝其難若作室家既勤○垣墉若作梓材既勤○

樸斲爲人上者夙夜罔或不勤○然戒哉生則逸生則逸忘稼○

穡之艱難往欽哉念在茲釋在茲思宏濟于艱難人有言永○

思艱曰一日二日萬幾無教逸欲有邦心之憂危若蹈虎尾○

慄慄危懼若隕深淵爲人上者邦國保于未危可以觀政可○

以觀德曰其難其慎無輕民事無安厥位曰惟難惟危人有○

言厥惟艱哉匹夫匹婦不獲終獲戾于上下臣哉鄰哉告汝○

不易克艱厥臣以奉一人言艱日思百官修輔惟明后如其○

書經集句文稿 選本下卷 主

克灼知厥若思其艱以圖其易與治同道罔不與邦其永孚○

于休

義堅詞確古服勁裝極文人之能事 李雨人

思艱曰一日二日萬幾無教逸欲有邦心之憂危若蹈虎尾

樸斲爲人上者夙夜罔或不勤然戒哉生則逸生則逸忘稼

穡之艱難往欽哉念在茲釋在茲思宏濟于艱難人有言永

思艱曰一日二日萬幾無教逸欲有邦心之憂危若蹈虎尾

樸斲爲人上者夙夜罔或不勤然戒哉生則逸生則逸忘稼

穡之艱難往欽哉念在茲釋在茲思宏濟于艱難人有言永

思艱曰一日二日萬幾無教逸欲有邦心之憂危若蹈虎尾

樸斲爲人上者夙夜罔或不勤然戒哉生則逸生則逸忘稼

頃賦字

○別定杜○後二○以勤危二○字分杜○格○是難

○字○實○義○

○預○動○字○

○是○勤○

○項○危○字○

○對○仗○工○力○

○悉○敵○

○是○危○

○若○爲○臣○可○

○落○到○

○上○

○

○

○

○

○

○

○

○

○

○

○

古帝言該于一咨魯論舉以發端焉夫堯百代之宗也堯曰咨則道統開其始矣故魯論終篇特首舉之從來為人上者

往敬用治惟既厥心集大統同底于道亦曰克俾厥后惟堯

我聞在昔堯在位七十載時切疇咨聖謨洋洋嘉言孔彰而

有一于此言足聽聞者則如堯曰咨一語夫前乎堯而為天

下君者厥后自聖明作有功然聰明自作惟曰利用厚生而

人心惟危道心惟危允茲克明者則莫若稽古帝堯乃聖乃

神乃武乃文後王莫與爭能亦古帝莫與爭功吾黨學于古

訓其稽我古人之言作之君萬夫之長作之師萬世永賴茲

書經集句文稱選本下卷

三

迪彝教而斯謀斯猷自其口出無煩曰格曰來勤乃事一人

有績宣乃心一德咸有明聽朕言而惟時惟幾寫我心憂不

比曰猷曰於堯曰咨帝其念哉洪水滔天下民其咨祈寒暑

雨小民怨咨然民曰咨發有逸口帝曰咨罔有逸言厥后明

明辭尚體要矣百工允釐咨十有二牧三載考績咨二十有

二人然咨于臣無曠庶官咨惟帝罔兼庶言思日贊贊言同

則釋矣嘉言罔攸伏則曰俞乃言底可績則曰都茲不曰都

俞而曰咨敷乃心先敷乃訓固不等咨若登庸靜言而庸違

則曰吁有言逆于心則曰咈茲不曰吁咈而曰咨明乃命尙

明乃聽亦不同咨若予采在後之人大誥多邦明誓眾士告

晉少作 兩〇

爾萬方有衆王曰嗟告汝羣言之首公曰嗟名言在茲無非

拍合本題自然

祇承于帝而堯則早受徵言也于詢事考言而後業業兢兢

作書以告較之庸命異位之咨四岳而倍覺其儆戒無虞在

此北〇以鳴乎作〇祖

後之人后艱厥后臣艱厥臣舜后于彝憲王曰嗚乎告君乃

猷裕公曰嗚乎有言遜志惟曰克配乎帝而堯則早良于言

也于正月上日之餘蕩蕩平平布命于下較之敬授人時之

句〇視〇貼〇尤〇爲〇深〇切

各義和而彌覺其休惕以厲蓋帝德廣運建其有極道積于

甚〇道〇字

結到天子身上〇得旨

厥躬啟後人惟其始我孔子用訓厥道嗟子有衆其亦紹聞

衣德言與夫堯之咨乃命舜以位也

虛題實做善于烘襯巧思濬發妙義環生 李兩人

書經集句文稿

選本下卷

十四

寬則得衆 一節

戴槃

終揭帝王之治罔非在中也。夫寬信敏公，厥有成效。魯論言

治而終揭之，見古帝王惟厥中耳。曰天子惟君萬邦，咸中有

慶，惟既厥心，無宵戕，無載偽，無逸欲，無作好，往敬用治。達于

上下，越小大謀猷，罔不率從。其基作民明辟，我聞在昔百姓

平萬邦，和黎民於變時雍，遠人格邇，人安生民，保厥攸居。庶

績咸熙，百工允釐，惟民歸德。四夷來賓，允若時有衆咸造。下

民祇若，立定厥功，罔有不悅。厥基永孚，于休古之人。建中于

民，其自時中，乂其一曰馭，以寬列用，中罰寬而有制，不侮鰥

寡，代虐以寬，不廢困窮，撫民以寬，惟天惠民，惟辟奉天，為人

書經集句文集 選本下卷

十五

上者能保惠庶民，其惟爾衆常懷于有仁。凡民自得其二日

無不信，作稽中德，底至齊信，一心永肩，惇信明義，百度惟

貞，彰信兆民，作偽日拙，作德日休，為天下君，施實德于民。凡

厥庶民各長于厥居，亦惟圖任其三日，遜志務時，敏兢兢業

業，克勤于邦，祇祇庸庸，罔遊于樂。君子所其無逸，不敢怠荒

克和厥中，不則敏德，遠乃猷懋，乃攸績，明作有功。天下莫與

爭能，其四曰惟公成厥終，無偏無黨，王道蕩蕩，無黨無偏。王

道平平，惟皇建其有極，罔或干正。民協于中以公，滅私其允

懷，不應奚志，萬姓悅服。四方民大和會，欽哉欽哉，愛克威其

有濟，以爾有衆，除其邪虐，德惟一罔不吉，用和萬民，永念厥

項惠字

賜得衆

○跟上中

○字起

○分按○四項簡○帝

○入手

○從下四項制入句○貼○切

○總束起上四字

○四○比○分○詮○語○語○論○當

○聖○字○清○醒

○嘉○悅○字

○股○股○扼○定○甲○字

○夜○東○九○家

辟無怠無荒天閔咨我成功所無反無側民服厥命罔不悅
總結通章滴歸源
稽古帝堯稽古帝舜稽古大禹亦越成湯亦越武王惟精惟
一允執厥中道洽政治是之謂大同

選言必精用古悉當通篇跟定中字尤爲藻不妄抒
李雨人

書經集句文稿

選本下卷

夫



一夫既遇中... 知... 之... 爾大同
... 帝堯... 帝舜... 大禹... 成湯... 武王...
... 惟精... 惟一... 允執... 厥中... 道洽... 政治... 是之... 謂大同

終引帝典釋大學者意更進矣夫帝典開康誥太甲之先者

也釋大學者即典而進稽之意深哉且大人在位惟學遜志

必求諸道亦罔不克敬典稽古帝堯曰放勳告汝羣言之首

自時以下庶言則繹終始念典于學不匿厥指而辭尚體要

有一于此言足聽聞者則如曾子繼康誥太甲而退思帝典

在康叔惟武王洪大誥治然不廢王命猶胥顧于箴言而對

揚天子無胥動以浮言羣臣曰率厥典不惟若茲多誥在太

甲惟伊尹往敷乃訓然改過不吝君拜手稽首謫言而令聞

舊有臣拜手稽首颺言作書曰象以典非惟式時猷訓蓋功

書經集句文稿選本下卷

惟萬世永賴其典克從而人惟萬物之靈惟帝引逸書用識

哉其稽我古人之言肇修人紀則曰天敘有典然天有典克

敬惟親我知其彝倫攸敘帝有典惟皇作極臣罔以寵利居

功百工允釐疇敢自作不典克祗厥辟迪以先王之典然王

之典欽厥止監于成憲其無愆帝之典率厥常學于古訓乃

有獲庶績咸熙惟曰爾克敬典帝用罔不臧兢兢業業人其

代天奉若天道時亮天功肅將天威恭行天罰君惟天子惟

典神天乃不日承天之休而曰于帝其訓克配乎上不必要

聞在下典刑無屏棄祗祗庸庸言惟作命分命義仲申命義

叔分命和仲申命和叔臣稟命令釐帝耿命乃不日有民有

命而曰有則有典立其紀綱無煩施為號令以親九族慎徽

五典平章百姓宏敷五典而名言不在茲也顯在厥世積于

厥躬其大惇典為帝王建其極無怠無荒靈承帝事惟精惟

一簡在帝心其嘉言罔攸伏也敷于天下叢于厥身若稽古

帝其典常作之師臣人克有常憲凡有官各守爾典而典率

由典勿替乃良于言惟口出好不徒侈陳民折民因民夷民

隕之時文命敷于四海在後王祇承于帝而帝曰都帝曰俞

罔有逸言不見是圖永不忘夫乃聖乃神乃武乃文之主其

言曰克明峻德與克明德顧明命同一居上克明也

有典有則宜古宜今 李爾人

書經集句文稿

選本下卷

六



言曰克明峻德與克明德顧明命同一居上克明也

則之親文命敷于四海在後王祇承于帝而帝曰都帝曰俞

罔有逸言不見是圖永不忘夫乃聖乃神乃武乃文之主其

言曰克明峻德與克明德顧明命同一居上克明也

一簡在帝心其嘉言罔攸伏也敷于天下叢于厥身若稽古

帝其典常作之師臣人克有常憲凡有官各守爾典而典率

由典勿替乃良于言惟口出好不徒侈陳民折民因民夷民

君子賢其賢而親其親

戴聖

為上為德式時猷訓矣夫前王任賢勿貳以親九族者也凡

有君子承王之休無斃詎日時惟不永哉從來為人上者保

又王家亦惟曰崇德象賢立愛惟親以弼此丕丕基頂基然厥基

永孚于休嗣王勿替敬典乃惟由先正舊典時式作之師作

之父即作之君而古之謀人垂裕後昆今之謀人宏乃烈祖

矣詩云前王不忘為在位之君子法也夫君子所其無逸用

德彰厥善其一曰賢其二曰親古先王建官惟賢位事惟能

同德度義爽邦允惟正事之臣太保芮伯彤伯畢公衛侯毛

公各率其屬罔非正人野無遺賢永弼乃后于彝憲古先王

書經集句文稿 選木下卷

九

列爵惟五分土惟三建侯樹屏封藩不先異姓之邦伯父伯

兄仲叔季弟幼子童孫各齊乃位咸聽朕命時庸展親知其

彝倫之攸敘允若茲百官修輔五典克從厥后自聖其稽我

古人之德洪範九疇箕子乃良于言人告我后郭鄰七乘蔡

仲克庸祗德往即乃封而尊周公為冢宰誥小子曰孟侯無

非蕃王室而和兄弟丕顯哉文謨丕承哉武烈有典有則貽

厥子孫惟其賢惟其親咸若時百工允釐九族惇敘今承于

古允協于先王成德若金作礪克用常人尚思十夫有獻分

玉于國無替厥服依然萬邦咸休而知三宅用人惟已重五

教時命有申無非聽祖訓而固邦本祇適乃文考篤敘乃正

父有為有守率由典常寶惟賢敬惟親賢親反相古有夏嗣王弗克此以夏商周王不能

庸德有莠有稗簡賢附勢實繁有徒不遜不親厥弟五人作謂合時趨

歌咸怨矧曰聽念于先王勤家惟我有周前人敷遺後人休謂合時趨

後人克篤前人烈今雖鳴鳥不聞而務本樹德餘風未殄謂合時趨

二臣衛守典卽以承天休一二伯父乃心固不在王室敬之此以

哉監于成憲是彝是訓是行是訓答揚文武之光訓相古有此以

殷後王不明于德放黜師保惟多罪逋逃是長侮慢自賢狎謂合時趨

侮五常棄王父母弟不迪不以為親矧曰其克從先王之烈謂合時趨

惟我有周前人啟迪我後人後人迫配于前人今雖厥鑒惟謂合時趨

遠而吉人為善惟日不足用勤我國太師太保猶重其人好謂合時趨

書經集句文稿 選本下卷 于而家文子文孫罔改厥度念之哉率循大卞丕承基緒嗣

有令緒克守文武之遺緒進觀小人在野而勤用明德達于

上下永不忘在王家

裁對工整運用貼切戛戛獨造簇簇生新 李雨人

...

...

...

...

...

...

有土此有財

戴槃

財出于土得國者不患無財也夫財生于地者也有土而財

亦有之君子豈待外求哉且敬用五行五日土土爰稼穡國

乃由裕惟君啟土建邦以撫方夏若農服田力穡乃亦有秋

不平富有幹有年于茲土人不易物惟德其物也其在水土

未平下民昏墊黎民阻飢浩蕩懷山襄陵四隩未宅汝萬民

乃不生_{此比到題}生迨至庶土交正泰庶艱食泰庶鮮食懋遷有無化

居九州攸同爾力田厥惟上上自時厥後先王有疆土辟四

方卽田功無論厥土惟壤厥土白壤厥土黃壤而原隰底績

兆民允殖各迪有功司空掌邦土居四民時地利無論厥土

書經集句文稿 選本下卷 三 〇虛拍有財 〇頂地耕

白墳厥土黑墳厥土赤墳而邦國既平庶物蕃庶亦職有利

凡我君子有邦有土四海之財若已有之允若茲下土墳墟

厥土塗泥惟其陳修爲厥疆畷百里賦納總二百里納銍三

百里納秸四百里納粟五百里納米中邦成賦稼穡作甘庶

民錫厥土田無敢不供敬獻天子曰惟辟玉食貳若時雲土

作父桑土既蠶惟其士女篚厥元黃厥篚縑絲厥篚織貝厥

篚璣組厥篚織纈厥篚織綺五采彰施衣裳在笥我民惟愛

土物無敢不多乃進于王曰惟辟作服且也璆鐵銀鏤齒草

羽毛瑤琨篠簜球琳琅玕無有遠邇畢獻方物以奉一人且

也羽畎夏翟嶧陽孤桐泗濱浮磬淮夷蠙珠其惟爾眾底貢

後狐疑上講字得〇旨

厥名不貴異物明王慎德通道九夷西旅乃貢厥獒然奇獸
珍禽不育于國不作無益害有益民乃足正德厚生既富方
殷以萬民惟正之供惟后懋德成五服西戎厥貢織皮然
狐狸熊羆不寶遠物非貨其吉惟人吉生自庸樹德務滋克
永多享以庶邦惟正之供〇經用二小此變收作〇女完案
並重于日木日金日水日火古之人底慎財賦入政農用特
兼乎日食日貨日賓日師欽哉欽哉惟克慎明德之君子訖
自若是

藻思綺合井井有條 李兩人

書經集句文稿

選本下卷

三



此卷下日本日金日水日火古之人底慎財賦入政農用特
兼乎日食日貨日賓日師欽哉欽哉惟克慎明德之君子訖
自若是

秦誓曰若有一个臣

戴槃

秦誓思大臣若深幸其有焉夫曰一个臣不幾特立無助乎

乃秦誓思其有焉亦曰得一已足耳且人君改過不吝雖悔

可追而國家所寶惟賢知人則哲夫邦之阨陘曰由一人邦

之榮懷亦尙一人之慶有其善亦無在多夫固味味思之也

試爲平天下者述秦誓士聽無譁誓于師告汝羣言之首彼

利口亂官俾君子其易辭而截截諷言我皇多有后克思艱

誓于衆愬我憂危之心彼衆士同力其射御之不違而仇仇

勇夫我不欲有當日者不恤我衆大會于東敵于我師攻後

以北二陵無不作怨三師又曰要囚爲上者稱非其人詭自

書經集句文稿 選本下卷

三

若是惟穆公言艱日思猶可及悔元首明哉早知有罪在子

黃髮詢茲尙思用人惟已乃言曰若有一个臣萬邦之君則

曰一人在位四方之民則曰一夫不獲至統乎爲上爲德爲

下爲民之責而曰良臣惟聖則臣作股肱臣作耳目允惟正

事之臣卿士不可有一無以便僻邦君不可有一無昵愴人

至披乎汝翼汝爲汝明汝聽之實而曰咸有一德則爾有嘉

謀爾有嘉猷亦惟臣人克有我稽古人庶官無曠咨十有二

牧庶績咸熙咨二十有二今乃有一于此作舟楫惟一个

臣作霖雨惟一个臣一能勝于直超乎百僚師師百工惟時

我聞在昔度德度義曰子有臣三千同德同心曰子有亂臣

十人今乃有一于此惟鞠藁此一个臣惟鹽梅此一个臣一

曰正直更勝乎用三有宅用三有俊惟爾商王舉能其官時

則有若伊尹時則有若保衡時則有若伊陟臣扈時則有若

巫賢時則有若甘盤保又有殷前後實有其位茲不曰有若

而曰若有則欲見而猶若不克見也惟君文王慎簡乃僚亦

惟有若號叔有若闕天有若散宜生有若太顛有若南宮适

修和有夏左右實有其人茲不曰有若而曰若有則念茲而

惟恐不若茲也斷斷無他技休休如有容臣人若時惟良顯

哉

善於襯托意思層出雋妙清新得未曾有 李兩人

書經集句文稿

選本下卷

三五

善於襯托意思層出雋妙清新得未曾有 李兩人

善於襯托意思層出雋妙清新得未曾有 李兩人

善於襯托意思層出雋妙清新得未曾有 李兩人

惟民從又罔不中也。夫人用側頗僻則罔中于信矣。舜宅中

以期于治民則其式和哉。若曰惟皇降衷下民若有恒性后

克綏猷罔非在中。惟昔成湯禮制心而義制事有能有為。建

中于民稽古帝舜遠乃猷而顧乃德無反無側用中于民舜

執兩端將以率自中也。我聞在昔古人有言曰人心惟危道

心惟微惟精惟一允執厥中為天下君念茲在茲永肩一心

罔以側言改厥度凡厥庶民各設中于乃心其惟克用達于

二厥中克和罔從已以拂百姓罔違道以干百姓惟皇作極

錫汝保極舜之中惟民之中協于下咸中有慶遵道日無有

書經集句文稿 選本下卷

三五

作好遵路日無有作惡凡民攸訓于帝其訓民之中惟舜之

中道蕩蕩無偏無黨道平無黨無偏一人作猷凡爾眾同

底于道皇建其極用敷錫庶民我不敢知日民心罔中德惟

一日正日直德二三日剛日柔百姓昭明凡爾眾罔不承德

后克作聖用威和萬民我聞亦惟日民協于中當其時二月

東巡狩五月南巡狩八月西巡狩十有一月朔巡狩羣后朝

而明試以功功惟厥中流其工于幽州放驩兜于崇山竄三

苗于三危殛鯀于羽山四罪當而天下咸服服惟厥中由是

列用中罰則命皋陶作士天討有罪五刑五庸故正于五刑

五刑有服寇賊姦宄我惟時其要囚之往赦用治期于無刑

凡茲臣庶罔或于予正乃明于刑之中作稽中德則命契作
司徒天敘有典五典五惇哉慎微五典五典克從彝倫攸敘
我惟時其教告之克堪用德俾率訓典其惟爾衆罔不祇師
言非德于民之中懋哉懋哉風動四方亦克用乂會其有極
歸其有極俾子從欲以治其自時中乂欽哉欽哉日嚴六德
罔敢弗正沈潛剛克高明柔克一人垂拱仰成其咸庶中正
舜之所以稱濬哲文明者其在茲乎

義精詞卓典冊高文 李兩人

書經集句文稿

選本下卷

三

保佑命之自天申之

戴槃

天命有德天祿不至永終矣夫皇天眷佑佑于德也申命不○浪上德○字起

已詎日時惟不永哉日天難謀命靡常常厥德保厥位身其○此軍稱恭○

康強惟一人膺受多福壽日平格實萬世無疆之休其惟王○此頌

位在德元欽承天道天佑我有周王末有成命君子在位用○此頌清

成顯德凡厥庶民其惟常人我國家禮亦宜之尚迪有祿我○此頌清

有周既受惟天生聰明乃大降顯休命詩言志又日明徵定○此二○字分註

保亦惟純佑天其申命用休保又王家惟天不建有年有幹○此○字

其建無窮之基丕顯哉文謨丕承哉武烈保受明德嗣王服○此文武說到後王照本詩用意

命罔不敬天之休我不敢知日皇天弗保佑我烈祖惟天降○此○字

書經集句文稿 選本下卷 毛

祥作福作威終有辭于永世祇適乃文考篤敘乃正父佑啟○此○字

後人今王即命罔不配天其澤我聞亦惟日上天孚佑天命○此○字

哲降年有永有不永凡有君子其能奉答天命而永世無窮○此○字

哉相古先民有夏服天命天迪從保面稽天若惟有歷年在○此○字

後之人不其延惟不敬厥德乃早墜厥命敷求哲王有殷服○此○字

天命天迪格保面稽天若惟有歷年越至于今不其延惟不○此○字

敬厥德乃早墜厥命我有周佑命奄甸萬姓受此不丕基能○此○字

保惠于庶民敢日我生有命在天天惟純佑命弼予一人厥○此○字

惟明明后以能保我子孫用供王能祈天永命允若茲祇台○此○字

德先則有固命克終厥德罔弗若天天基命定命惟時申保○此○字

上二比仍分項保和句工緊。

惟帝昭升于上保厥居數聞在下世世享德惟欲至于萬年。

天教我用休其永我命于新邑降之祥惟佑一德錫之福敷

佑四方穆穆在位惟其克相上帝申勸王之德其集大命于

厥躬民大和會克以爾多方享天之命天命自度非惟用保

又民升于大猷四海永清敢拜手稽首颺言曰恭天成命臣

作股肱夾义我周王享天之命天命不易僉日以佑乃辟多

歷年所萬世永賴敢拜手稽首颺言曰時命有申詩言茲在

茲大德懋昭誕受厥命自古若茲天休滋至日篤不忘亦惟

汝故

文成法立曲有匠心神明變化於古無以復加 李雨人

書經集句文稿

選本下卷

三

... 惟帝昭升于上保厥居數聞在下世世享德惟欲至于萬年。天教我用休其永我命于新邑降之祥惟佑一德錫之福敷。佑四方穆穆在位惟其克相上帝申勸王之德其集大命于厥躬民大和會克以爾多方享天之命天命自度非惟用保又民升于大猷四海永清敢拜手稽首颺言曰恭天成命臣作股肱夾义我周王享天之命天命不易僉日以佑乃辟多歷年所萬世永賴敢拜手稽首颺言曰時命有申詩言茲在茲大德懋昭誕受厥命自古若茲天休滋至日篤不忘亦惟汝故

尊為天子 四句

戴槃

遇極其隆。顯名之不失。見矣。夫武王福備于身者也。觀于尊

富。饗保之極。其隆而顯名之不失。益信。日惟商後王獨夫受

洪。惟作威四海。困窮宗廟。不享昏棄。厥肆祀弗答。以不能保

子孫。皇天降災。用殄厥世。惟我有周。克受殷命。一人膺受。多

福。昔君武王。若爾三王。丕承基緒。亂爾四方。天下大定。名在

茲。罔有擇言在身。懋哉懋哉。惟良顯哉。夫武王當大統。未集

特侯于西土。耳至勘定厥功。有眾咸造。允為萬夫之長。統惟

辟作威。惟辟作福。惟辟玉食之權。而曰天子之尊。如上帝誕

作民主。尹爾多方。惟一人承綏在位。羣辟罔不承德。歸于宗

書經集句文稿 選本下卷 三九

周對揚天子之命。萬姓罔不悅服。用附大邑。以近天子之光

是崇。是長。昭我周王。不比侯甸。男衛邦伯。又豈獨元后如保

赤子。天子作民父母。黎獻共惟帝臣。天子惟君。萬邦也哉。夫

武王當方夏。未撫特興。我小邦耳。至亂略既過。厥邦底貢。咸

曰九州攸同。合二百里銓。三百里結。四百里粟之賦。而曰四

海之內。不富尚迪。有祿奉我一人。以萬民惟正之供。獻方

物。無有遠邇。服食器用。四海來同。濟小民不廢困窮。發粟散

財。四海大賚。有邦有土。底貢厥名。非特鑿鐵銀鏤。磬磬又何

論成賦。中邦聲教。訖于四海。政在養民。文命敷于四海也哉

允若。茲紹先王之業。綏先王之祿。宏乃烈祖。惟日克永。寅念

于祀典祀無豐于昵修其禮物罔有不欽以承上下神祇宗廟罔不祇肅以供犧牲粢盛宗廟無遺厥先明明在上穆穆在下莫謂鬼神無常享也享于克誠觀德七廟不等禮于六宗享用多儀無墜厥宗永堪祀于周廟而執豆籩咸奔走以相鬯日明禋不可見其肅恭神人也哉允迪茲天位克思艱天祿永不終啟佑後人其惟時建無窮之基厥基永孚于休輯和邦家罔不咸賴無墜寶命用能定爾子孫克成厥勳以能保我子孫生生自庸世世享德僉曰天迪從子保也常厥德保厥位文于文孫無替厥服綏厥民保厥居幼子童孫迪惟前光而億萬年敬天之休一二臣永念厥辟不可徵其嗣

書經集句文稿 選本下卷

有令緒也哉

分疏四比暢所欲言詞斟句酌氣足神完 李雨人

文武之政 四句

戴槃

望魯君之宏乃烈。禮人存而政舉焉。夫文武之政，王府則有。有其政先有其人。子因哀公之間，而惟時其告之曰：明王立政有典，有則貽厥子孫，不惟其官，惟其人在。後之人昭登，辟之有父，亦惟圖任舊人。其政昔在文武，聰明齊聖，小大之臣咸懷忠良，允茲克明，乃罔不休政事，懋懋哉。懋哉，公問政，夫亂而有政，亦惟曰任人。臣用是穆然于昔君文王、武王、稽古帝堯、稽古帝舜，政在養民六府三事，允洽。然稽古帝不若監先王庶政，性和，惟成周建無窮之基，以觀文王、武王，取光以揚武王。大烈訓其成式，惟由先正相古，有夏相古，有殷政，貴有恒。萬書經集句文稿 選本下卷

三

方百姓常任然求哲王，不如宏烈祖政事，惟醇惟成，周有無窮之間，不顯哉。文王謨丕承，武王烈厥有成，績紀于太常。公其念哉，布于下方，策在茲圖，厥政亦惟曰任人。聞于上帝，西土惟時，怙冒我文王一人元良，祇祇庸庸，不敢侮鰥寡。兢兢業業，能保惠庶民，用肇造我區夏，可以觀政而汝翼。汝為茲迪彝教，惟茲四人，以旦夕承弼厥辟，允若茲。臣見一人有事而左右，惟人以輔，台德發號，施令罔不臧人，咸若時。惟良顯哉，恭天成命，東征綏厥士女，惟武王一人有慶，華山歸馬，大告武成，西旅貢獒，畢獻方物，垂拱而治天下，乃反商政，而同德同心，爽邦由哲，亦惟十人為前後，有位之士允迪。茲臣

○女順者二○可

出○大○句○恰○好○選○又○下○一○句

中二比文武分詮

言此層○從君說到臣

○人字兼君臣

○五對

見一人作猷而股肱惟人以匡乃辟與治同道罔不興人惟

求舊職有利哉昔成王敬迓天威嗣守文武大訓燮和天下

對揚文武光訓克紹先烈日篤不忘繼自今立政亦惟無荒

厥緒紹我周王見休果能君作恭先惟其人臣作孚先惟其

人政由舊惟時舉而有典有冊佑啟我後人是訓是行追配

于前人何難欽先王之成烈以休于前政惟周公不迷文武

勤教施于四方誕保文武受命亂為四輔克慎厥始永膺多

福至于今立政亦惟時式舊典懋昭周公之訓果能后艱厥

后惟其人臣艱厥臣惟其人政乃父惟時舉而罔失法度敷

遺後人休率由典常迪惟前人光何難率乃祖之攸行克施

書經集句文稿 選本下卷

三

于有政昔文王武王宣重光惟文王武王敷大德公如守文

武遺緒對文武光命謂文王武王至于今存焉可也

選義考辭就班按部法家之式儒家之文 李雨人

此處有模糊文字，部分可辨者包括：... 武王... 宣重光... 惟文王武王... 敷大德... 公如守文... 武遺緒... 對文武光命... 謂文王武王... 至于今存焉可也... 選義考辭就班按部法家之式儒家之文 李雨人

由身而及賢親與諸臣能修斯能勸矣夫身為賢親之所倚

賴臣下之所輔弼也厥修乃來有不胥用勸哉昔君文武道

積于厥躬無卽惰淫俊又列于位肇修人紀立愛始于家凡

茲臣庶作股肱惟人充耳目之官允若時身克正庶常吉士

以及伯叔之國小大之臣罔不秉德明恤一日修厥身其或

不修不明于德鮮克由禮以自災于厥身惟檢身若不及出

入起居罔有不欽如承上下神祇夔夔齊慄一德本乎一心

明惟厥后五采彰施五色服美于人敬之哉社稷宗廟祇肅

山龍華蟲作繪亦惟日以禮制心三禮能典無冒貢于非幾

書經集句文稿 選本下卷

五禮有庸不敢動用非德罔改厥度罔淫于樂慎厥身修思

永王祇厥身惟德是輔非賢不乂罔有立政用愷人顧為天

下君比讒言殉于色總貨寶敗度敗禮而匪彝是從何以佑

賢敷德乎惟去邪勿疑何畏乎巧言令色用勿是賤不育夫

奇獸珍禽不遜聲色不殖貨利惡德罔及斯大德懋昭矣除

惡務本鮮庶習逸德之人彰厥有常貴行有九德之士咸曰

所寶惟賢也大師太傅論道經邦慎厥麗乃勸王祇厥身好

于而家惟親克敬無敢自廣以狹人願為天下主保厥位享

天祿從已欲作福作威而彝倫攸斃何以時庸展親乎惟列

爵惟五命以位是長是崇分士惟三迪有祿納米納粟顛俊

跟文武起

勸親親

並尊賞功惟重同于厥邦亦同于厥政矣天生聰明無有作

好作惡人惟求舊罔不同德同心○僉曰立愛惟親也文子文

孫受命無疆厥惟刑用勸○又惟諸臣永弼乃后于彝憲勤乃

事各率其屬有服在大僚為人上者建官位事爾惟鞠○葉鹽

梅立政任人用作舟楫霖雨師師百僚惟上所命矣然左右

惟人○不口敷子心腹而曰攸伏奔走曷克舉能其官而用勸

我國也惟不若茲一人有績無曠庶官惟事事乃有備六卿

分職亦惟圖任其休休如有容臣人咸若時胥克用勸其惟

多士對揚天子之休命齊乃位各恭爾事用會紹乃辟為人

上者懷忠良而底齊信罔不是孚克綏祿而厚賞功既富方

書經集句文稿 選本下卷

穀濟濟有衆惟惠之懷矣使上下莫恤不日情大可見而曰

終以困窮曷克永綏在位而勉出乃力也惟不若茲舍已從

人為上○克忠更兼明義悖信厚生利用執事之人幾同世祿

之家士說自若是亦克用勸公其念哉

金相玉合繡錯綺交雍容華貴卓然自成一家

李雨人

言而世爲天下則

戴槃

君子言足以永世。範圍不過矣。夫君子慎爾出話。其惟弗言。言出乎身。計以世徵。以天下過。不又以則而寡乎。且皇建其

有極。凡厥庶民。會極歸極。極之敷言。是彝是訓。于帝其訓。夫承上敷言從錫民流到垂後惟后克綏厥猷。敷錫庶民。即以垂憲。乃後古帝王能典禮同

律度。揆文教。明徵定保。言無不信也。君子之動而爲行。其道起二比。誤上。句。脫。訓已世爲天下法矣。行貴有恒。君子亦既底法。然率乃攸行。惟

思慎厥身。修而罔兼。庶言不啻自其口。出行之維艱。君子罔出則。言字。補。敢易法。然是訓是行。克永念厥辟。而一語一言。乃惟由先正

夫君子言以道接。動惟厥時。有典有則。敷遺後人。浮言胥動。云一層書經集句文稿 選木下卷 三五

敗厥德。人罔不知。惟斯謀斯猷。名言在茲。與治同道。乃能於此比四海之內。俾萬姓咸曰。大哉。王言。靜言庸違。載爾僞罔。可念

聽。惟有猷。有爲昌言。師汝無失厥道。乃能於世。變風移俾。後此比。按世字。人咸曰。古人有言。允若茲言。罔有逸用。昭明於天下。萬世永

賴。日篤不忘。告爾有衆。咸聽一人之作猷。其德克明。丕惟曰此比。正面。明哲作則。允迪茲言。同則繹終。有辭于永。世光天之下。罔不

率從。啟佑我後。不徒臣下攸稟。令萬邦作式。亦惟曰。式和民此一比。以典議。分科。則。若稽古帝。敬典在德。言可底績。而咨垂咨益。咨禹咨伯。其

大典作之師。在後世之人。罔不祇師。言亦日時。式舊典。古我原師字。先后。謨明。弼諧。言可底行。而曰。都日。俞日。吁日。咈。聖有謨迪。

觀至聖之中正禮德備矣夫不偏之謂中無私之謂正中焉

正焉至聖之禮德不已備乎且為天下君自服于土中正于

四方先天下而建其有極夫民心罔中惟上之中君身克正

罔敢弗正允若茲一人元良萬邦以貞道積于厥躬至聖之

以禮制心豈惟曰夔夔齊慄臨之以莊哉帝德廣運乃聖乃

神乃武乃文人心危而道心微允執厥中王道蕩平無黨無

偏無反無側會有極而歸有極一日正直人用頽僻非德之

中自作不典非天不中安汝止不倚乃身協于克一其自時

中又居上克明乃正厥位厥后自聖既正厥德無載偽克黜

書經集句文稿選本下卷

乃心彰厥有常惟正是乂之士教祇德制百姓于刑之中治

期于治列用中罰然民協于中明明在下無非穆穆在上咸

中有慶皇作極惟一惟精臣匡乃辟曰惟木從繩則正后艱

厥后罔非正人夫君克有正作德心逸不同作偽心勞予正

罔干后克聖有為有守在昔殷王昭大德則建中于民表正

萬邦以禮制心勿用非謀非彝至聖則率由舊典樹德務本

和厥中以公滅私惟厥正惟我周王明大命曰作稽中德惟

臣正事作周恭先誥志庶邦庶士至聖則克由典禮率自中

惟克天德悅于正以盡人心蓋兢兢業業罔非在中祇祇庸

從君身上起倍典

可法稱鏡

領上

起一比為中正

二字探源論

一比正而短鍊

精純

焉

此北以國民協于中作親從下

說到上

北以臣能正君作禮從臣說

判君

此一比總發以厥周公辨

成東完密言問德成

○落○坡○才○

○落○坡○才○

○落○坡○才○

○落○坡○才○

筆筆中鋒醴醴書味 李雨人

書經集句文稿

選本下卷

奚



作之師

戴槃

民化于訓師道立矣。夫師所以教民者也。教之善惟辟作焉。

亦同于君萬邦耳。且為人上者庶民能保。不惟曰師保萬民。

夫民不若德人乃訓之善無常。主皇則受之明哲。作則敬敷。

五教。不僅惟君惟長。其基作民辟也。書曰天降下民。豈惟作。

之君哉。然誕作民主。其惟萬邦之君亦克重民教。以為九有。

之師。下民降衷。若有恒性。克綏厥猷。惟后居上。克明式和民。

則我不敢知曰德無常師。庶民敷錫。斂時五福。建其有極。惟。

皇為上所命。不變民用。我不敢知曰往背師訓。允若茲茲率。

厥典。無作聰明。茲作厥常。乃惟刑用君率。又于民。斐彝典。厥。

書經集句文稿

選本下卷

三

義常厥德。其典常作之師。立太師立少師。朝夕納誨。聿求元。

聖。惟曰能自得師者。王然非民。攸訓時人。不則有愆。爾有眾。

胥。教誨作內。作外。出入自爾。師作民父。作民母。上下勤恤。如。

保。赤子。僉曰。亶聰明。作元后。然正色。率下。惟民其。卑棄。咎上。

之人。胥訓告。作德作善。和恒。居民。師六卿分職。司徒掌教。五。

典。擾兆民。亦承以師。長然。臣作字。先實。君作恭。先師相規。斯。

謀。斯猷。曰。惟我后之德。百官承式。王言作命。三事暨大夫。罔。

不。祇師言。然惟。臣欽若。亦惟。民從。父師。昌言。是行。是訓。以近。

天子之光。惟爾商王。自作不典。小民方興。咸師非度。不吉。不。

迪。汝乃是不。震乃時。惟不永。哉。惟我周王。明作有。功。厥后。自。

聖主善爲師有典有則爾敬明乃訓惟時其教告之欽哉欽
○收○束○楷○常
哉遵王之道同底于道惟皇作極錫汝保極茲迪彝教式化
○從○對○百○也○收○妙○極
厥訓俾萬姓咸曰我有師師

規矩從心鑪錘在手有視必巧無轉不靈

李雨人

書經集句文稿

選本下卷

甲



禹聞善言則拜

戴槃

觀夏先后之拜手嘉言罔攸伏矣夫言曰從無不善也占大

禹聞而知之敢不拜嘉哉昔古帝命禹平水土禹拜稽首讓

于稷契暨臯陶夫對天子之休命固讓于德而受常人之微

言無或不恭言足聽聞不掩爾善勿謂人莫已若也子路人

告之以有過則喜此其繩愆糾謬格其非心可謂無恥過矣

然誕吉用實惟已改過不吝而嘉言孔彰惟后非賢不父吾

用是稽古大禹皇建有極極之敷言是訓是行近天子之光

萬姓咸曰大哉王言后克自聖聖有謨訓斯謀斯猷惟我后

之德羣臣咸曰師汝昌言允迪茲言可底行天下莫與爭能

書經集句文稿 選本下卷

言可底績天下莫與爭功德日新而志自滿不且自廣以狹

人哉然而禹不敢自有其善也且願聞古人之為善也人為

善乃良于言有嘉謀告于爾后迥殊靜言庸違念之哉聽德

惟聰不敢曰罔攸聞入有言無喪厥善卽讒說震驚朕師獨

能彰善用德敬之哉接下思恭亦惟曰皆再拜億萬年敬天

之休王拜誨言朝夕納誨惟后從諫不謂禹祇師言亦罔不

率從也有善弗敢蔽聽曰聰而貌曰恭一二臣乃賡載歌臣

拜颺言屢省乃成惟臣欽若不謂禹受人言亦罔有弗欽也

主善以為師惟不矜亦惟不伐夫班師振旅益贊于禹禹拜

昌言曰俞而嘉猷八告其言有德罔不若時恭作肅不自滿

假幾無異命共工而垂拜命典禮而伯拜抑慎修思永臯陳
于禹禹拜昌言曰俞而詢謀僉同名言在茲訖自若是高乃
聽無作聰明自殊乎承王休而伊拜對天命而說拜夫滿招
損而謙受益自古若茲從作乂而聰作謀惟王有績爲人上
者其相古先民有夏哉

熟極生巧動中自然風簷獲此的未易才

李雨人

書經集句文稿

選本下卷

壹



后稷教民稼穡 二句

戴槃

克勤農事無怠。民育于教矣。夫后稷勤于稼穡者也。懷保小

民。教之樹藝。豈尚日無遺育哉。若曰德惟善政。政在養民。厚

生相小人。乃逸乃諺。不知稼穡之艱難。古先民無怠無荒。先

知稼穡之艱難。克勤乃事。惟既厥心。以左右有民。而功告厥

成。永底烝民之生。我聞在昔。湯湯洪水方割。蕩蕩懷山襄陵。

下民昏墊。百穀不成。于後禹平水土。六府三事允治。穀惟修

稷。乃播時穀。勤勞稼穡。胥克用勸。惟時其教。告之地。平天成

庶。土交正。厥土惟白壤。厥土惟黑墳。厥土惟赤埴。厥土惟青

黎。厥土惟黃壤。成則三壤成賦。中邦土爰稼穡。迪彝教。凡厥

書經集句文稿 選本下卷

庶民。其有年于茲。土匹夫匹婦。服田若農。厥田惟中下。厥田

惟上中。厥田惟下上。厥田惟上下。厥田惟下中。惟其陳修。為

厥疆。畎甘作稼。穡胥教誨。阜成兆民。尚永力畋爾田。夫惰農

自安。弗肯播矧。肯穫。而厥民用勸。圖其易思。其艱稷降播種

農殖嘉穀。五者來備。苗有莠粟。有稂不服田。畝罔克。胥匡以

生。凡民引養引恬。不敢暇逸。而明明在下。厥先敬勞不啻樹

之風。聲允迪。茲食哉。惟時平秩。東作平秩。西成。閑定成歲。歲

大熟。卿士從。庶民從。既勤敷蓄。曷敢不終朕畝。凡民是訓。是

行。無時豫怠。而事事有備。往盡乃心。非惟藝其黍稷。咸若時

懋。乃攸績。奏庶艱食。奏庶鮮食。乃亦有秋。秋大孰。舊勞于外

有兩度

汝后稷惟日孜孜各恭爾事汝萬民罔不生我我不敢知日

濟濟有衆不有于國○反出有字○後民用章家用平康歲既無易鞠人謀

人之保居前此黎民阻饑一夫不獲時予之辜後此蒸民乃

粒萬邦作又惟帝念功○通結首句○不舍稽事恤我衆聽一人之作猷惟

民生厚政事惟醇時乃日新邇人遠人罔不賴其明農哉成

允成功民乃足則知小人之依職有利哉念茲在茲民常懷

曰惟我后之德譬若牆夫遠乃猷綏四方作之師自時厥後

卽康功田功以萬民惟正之供百里賦總二百里納鍾三百

里納秸四百里粟五百里米殊厥井疆底慎財賦時乃功繼

自今穀用成僉曰后稷汝其念哉

書經集句文稿

選本下卷

器

化古茂爲清新安置妥帖妙極天然李雨人

紹我周王見休

戴槃

觀商民之戴周罔不見休也夫休命丕顯商人其及見之曰

我周王商之戴周至矣哉昔君武王蒸天成命大正于商天

惟式教用休天之所欲民必從之凡厥庶民不敢不敬天之

休新命于王汝永有辭罔不曰休恒吉也惟其士女承王之

休無斃民之戴商厥惟舊哉古哲王以有九有之師爰革夏

正穆穆在上天其申命用休東征西夷怨南征北夷怨曰惟

我商王奚獨後予此北說到商後王後嗣王亂為四方新辟保又有殷世世享

德邦其永孚于休后非民罔使民非后罔事曰惟我商王追

配前人乃惟商王受害虐烝民不克至于今日休天乃崇降

書經集句文稿

選本下卷

聖

弗祥訖我殷命我有周佑命祇承于帝大巡六師戎商必克

乃言曰休茲四方之民見休微不曰昭乃辟而曰紹乃辟者

其殆不忘舊有位人乎服土中來紹上帝纘舊服克紹先王

今殷民言茲在茲一若若秉白旄左仗黃鉞新王大統既集

勿替有殷歷年踐厥猷大業紹復式厥訓衣德紹聞今殷民

出茲在茲一若克恤西土肆予東征新王基緒丕承惟時受

殷之命乃商人則又曰我周王何也昔武王明誓衆士一則

曰天視自我民視再則曰天聽自我民聽咸和萬民克敬惟

親元后作民父母所以格爾衆庶罔不同心萬姓咸曰我王

猶曰俟我后昭我王也昔周公告爾多方其一曰惟我周王

休字直提

原天字在綫表

女出休字開下

此比先做實商王之休

此北說到商後王

地對

出題從商

之不克休直入周王老到

弗言昭孟子言紹即借此生

此二比做實紹字引衆俱有糖義

此二比做實我字

此言君之裕民

此言君之稱君

此言君之稱君

日我周王○從旁面觀

靈承帝事其二曰惟我周王靈承于旅有道曾孫丕單稱德

小子迪惟前光○出見○休不謂惟爾殷民如出其口萬姓咸曰我周王

猶日佑我周興我周也凡人既見聖天休震動惟良顯哉徇後一此○後實見休○緊切周正○

師而誓襲于休祥圖功克終攸受休畢今休王不敢後用顧

畏于民晷茲殷庶士敢不拜手稽首對揚天子之休乎光于

四方若日月之照臨上下勤恤其心休焉德日休歛時五福

基永休降之百祥○休字○寯○得○離○足○豈惟日休于前人休于前政永清四海惟

乃之休非敵百姓其爾之休今休王有成命易敢有越厥志

爾殷多士敢不同力度德祇若聖王之休乎念用庶徵○工對正兩

風之時若室家相慶大事休矣休滋至功告厥成休無疆動

書經集句文稿 選本下卷

四六

罔不吉莫不日萬邦咸休萬世之休凡茲臣庶用附我大邑

周矣。

句梳字櫛解經不窮意到筆隨心靈手敏 李雨人

惟大人為能格君心之非至而國定矣戴槃

大人以正君心為先國乃定矣夫君莫先于正心心正則居

仁由義成歸于正矣正君而國定惟大人能祇厥辟耳且國

立政用儉人百僚師師非克有正巧言令色便辟側媚迪上

以非矧曰其有能格允若茲君以辯言亂政臣以寵利居功

一人無良邦之不足適政不足閒惟君惟長思免厥

愆實賴有位之士勩相我國允惟正事之臣后德惟臣不德

惟臣繩愆糾謬格其非心惟大人有能有為惟聖罔念作狂

惟狂克念作聖一人有過尚賴匡救之德古大臣正厥事惟

先格王啟乃心沃朕心克左右昭事厥辟為上者改過不吝

書經集句文稿選本下卷 聖

無冒貢于非幾從諫則聖惟后非賢不乂惟賢非后不食一

人有罪則日時予之辜古大臣正厥德庶有格命敷心腹作

心膺以旦夕承弼厥辟為上者主善為師不敢動用非德所

寶惟賢予永念曰大人在位匡其不及承弼乃后于彝憲上

之人無恥過作非罔有不格惟爾之能允迪茲君既戾厥心

正色率下克寬克仁其如有容焉念之哉惟用常人亂爾有

政莫不懷于有仁祇若茲君克黜乃心正直平康惟德惟義

則勿有間之敬之哉用人惟已庶政惟和莫不速由茲義咸

若時君用康乃心既獲仁人不替義德惟正是乂之往欽哉

人惟求舊政貴有恒莫不咸庶中正君恍于正正于四方以

出諸末句

長我國明徵定保僕臣正厥后克正爾身正罔敢弗正前後

左右惟厥正人君勿用非謀格于上矣居上克明為下克忠

匡乃辟卽以匡我國安定厥邦綏定厥家我不敢知曰罔有

定極正于臣惟由先正正厥位罔或干正股肱耳目罔非正

人君無從非彝格則承之為上為德為下為民迪我后卽以

迪厥邦朕志先定厥功立定乃告厥后曰用能定爾欽哉欽

哉元首明哉仍限占人其收制大人身上臣人顯哉政事懋哉大人莫與爭能亦職有利

哉

字字有經義句句本經訓惟神明於理法之中乃能有此

粹詣 李雨人

書經集句文稿

選本下卷

四



游天首即蒞國人繼此如率愚婦大人莫與爭能亦職有利
庶幾其輝強矣我思良立我思善幾曰用能定爾欽哉欽
人君無從非彝格則承之為上為德為下為民迪我后卽以
定極正于臣惟由先正正厥位罔或干正股肱耳目罔非正
人君無從非彝格則承之為上為德為下為民迪我后卽以
迪厥邦朕志先定厥功立定乃告厥后曰用能定爾欽哉欽
哉元首明哉臣人顯哉政事懋哉大人莫與爭能亦職有利
哉

禹惡旨酒而好善言

戴槃

古○先○后○克○儉○克○勤○有○惡○亦○有○好○也○夫○腆○于○酒○則○顛○覆○厥○德○良

于○言○則○克○綏○厥○猷○禹○乃○惡○之○好○之○其○惟○除○惡○務○本○者○與○我○聞

在○昔○制○官○刑○儆○于○有○位○曰○敢○有○酣○歌○于○室○時○謂○巫○風○敢○有○侮

聖○言○時○謂○亂○風○古○有○夏○先○后○方○懋○厥○德○酒○荒○于○邑○厥○心○疾○言

足○聽○聞○厥○心○臧○惟○天○生○民○有○欲○因○物○則○遷○惟○后○非○賢○不○又○詢

謀○發○同○稽○古○大○禹○其○監○于○茲○帝○曰○咨○禹○汝○平○水○土○不○敢○自○暇

自○逸○矧○曰○其○敢○崇○飲○帝○曰○來○禹○汝○亦○昌○言○爾○有○嘉○謀○嘉○猷○入

告○爾○后○于○內○懋○戒○哉○酗○于○酒○德○無○若○後○王○酣○身○多○且○旨○一○人

罔○淫○于○樂○惟○明○明○后○而○爾○有○衆○泆○于○酒○則○疾○以○惡○之○念○之○哉

書經集句文稿 選本下卷

吳

嘉○言○孔○彰○曰○惟○我○后○之○德○有○其○善○天○下○莫○與○爭○能○日○贊○贊○襄

而○爾○多○士○良○于○言○則○其○心○好○之○天○降○威○我○民○大○亂○喪○德○亦○罔

非○酒○惟○行○越○小○大○邦○用○喪○亦○罔○非○酒○惟○辜○我○不○敢○知○曰○無○有

作○惡○后○克○聖○有○言○遜○于○志○必○求○諸○非○道○有○言○逆○于○心○必○求○諸

道○我○不○敢○知○曰○無○有○作○好○凡○厥○庶○民○孝○養○父○母○自○洗○腆○致○甲

酒○而○庶○羣○自○酒○腥○聞○在○上○媚○疾○以○惡○王○曰○旨○哉○予○不○惟○土○物

愛○凡○爾○衆○無○彝○酒○乃○不○用○我○教○辭○惟○我○一○人○弗○恤○在○彼○夏○王

左○右○惟○人○勿○聽○無○稽○之○言○而○言○同○則○釋○罔○有○不○臧○從○厥○攸○好

王○曰○善○哉○我○則○惟○成○德○彥○于○受○人○之○微○言○不○啻○自○其○口○出○則

予○一○人○汝○嘉○在○後○之○人○是○訓○是○行○甘○酒○嗜○音○歌○述○大○禹○之○戒

精華山卷八

此比以○處

而古先哲王民涵于酒勿庸殺之姑惟教之若稽古帝是信

之○命○臣○納○言○禮○用○再○分

○禮○福○對○仗○俱○八

是使命作納言出納朕命惟允而祗承于帝工以納言時而

造○禮○設

颺之格則承之繼自今剛制于酒猶胥顧于箴言欽哉欽哉

○此○下○四○節○到○底○不○懈

相古先民有夏亦越成湯亦越文王武王三后協心同底于

逆惟周公味味思之

因方為圭遇圓成璧雖云人巧毋乃天工

李爾人

書經集句文稿

選本下卷

手



國衣衣注豎圓與璧載三人不長與天工

服新慎公初神思文

朕古夫夏衣夏衣袂袂蕩夜野女王越王三承心同底于

顯文新服承之辭自今順補千醜醜資類下為言欽哉欽哉

振動命帝時雷出醜醜命將次而厥承帝王以階言欽哉

而古夫越王夏衣袂袂蕩夜野女王越王三承心同底于

